


Գ. ԵՅԽԼԵՐ

ՏԱՐԱՍ
ՇԵՎՋԵՆԿՈ



891.79.092 ՇԵՎՋԵՆԿՈ

5-49






19 NOV 2010

ՆՇԱՆԱՎՈՐ ՄԱՐԴԿԱՆՑ ԿՅԱՆՔԸ

891.79.092 ՇԻՎԻԵՐՆ

Է-49

Գ. ԵՅԽԼԵՐ



Տ. Գ. ՇԻՎԻՇԻԱՆ. ԻՃՆԱՆԿԻՄ, 1840 թ.

ՏԱՐԱՍ ՇԵՎՉԵՆԿՈ

(Կենսագրական ակնարկ)

Z U B M E S Z R U S

Յ Ե Ր Ե Վ Ա Ն

1940

15.04.2013

15714



Նկար Շեկչենկոյի

I

«Իմ առջև մեր խղճուկ, հին ու ճերմակ խրճիթն է, ծղոտե մթագնած կաուրով և սև ծինելույզով, իսկ խրճիթի «կողքի պատի» մոտ խնձորենին է՝ կարմրաթուշ խնձորենի-րով, իսկ խնձորենու շուրջը ծաղկանոցը, վոր այնպես սիրում էր իմ անմոռանալի քույրը և իմ համբերատար, իմ քնքույշ դայակը: Իսկ դարպասի մոտ կանգնած է մի հին, ճյուղա-վորված ուռենի՝ կատարը չորացած, իսկ ուռե-նուց այն կողմը՝ «կլունյան» (հացի ամբար),



61059-67

Г. ЭЙХЛЕР

ТАРАС ШЕВЧЕНКО

Гиз Арм. ССР, Ереван, 1940 г.

Իսկ «կլունյայից» այն կողմը՝ լանջնիվայք արդեն այդին և փոված, իսկայգու այն կողմում—«լեվաղան» (խոհհարքը), իսկ «լեվադայից» այն կողմը՝ հովիտն և, իսկ հովտում մի անդորր, հազիվ խոխոջող վտակ, ուռենիներով և փռունչով զարդարված, յայնատերև մուգ-կանաչ կռատուկներով պատած: Իսկ այդ վտակում լողանում և գնդլիկ, շիկահեր մի տղա. լողանալուց հետո նա վազում և սովերաչատ այդին, ընկնում առաջին իսկ տանձենու տակ և քնում... Արթնանալով նա նայում և դիմացի սարին և մտածում: «Տեսնես ի՞նչ կա սարի այն կողմում... Պետք և վոր այնտեղ յերկաթե սյուներ լինեն, վոր պահում են յերկի՛նքը...»

Այսպես և վերհիշում իր մանկությունը Տարաս Գրիգորեիչ Շեվչենկոն:

Իր մանկությունը նա անց և կացրել էր և նահանգի Զվենիգորոդսկի գավառի կիրիլովկա գյուղում, ուստի և կիրիլովկան կոչում և իր հայրենիքը:

Այնինչ նա ծնվել և նույն այդ գավառի Մորինցի գյուղում, 1814 թվի մարտի 9-ին (հին տոմարով՝ փետրվարի 25-ին):

Տարաս Գրիգորեիչի հայրը՝ Գրիգորեյ Շեվչենկոն ուկրաինական խոշոր կալվածատերերից մեկի՝ Ենգելզարդաի ճորա գյուղացին էր:

Գրիգորեյ Շեվչենկոյի ընտանիքը մեծ



եր—հինգ յերեխա: Ընտանիքի հետ եր և հարյուրամյա պապը, Գրիգորիյ Շեվչենկոյի հայրը, արհեստով կոչկահար:

Ընտանիքը վատ եր ապրում—տունը նեղվածք եր, կուշտ փորով հաց չէյին ուտում նրանք, ինչպես և Կիրիլովկայի բոլոր գյուղացիները:

Կարվածատերը հարուստ եր. նրա տներինության տակ կային տասնյոթ հազար ձորտ գյուղացիներ, շատ հոյակապ տներ, արգավանդ հողեր, ազնվացեղ ձիեր: Մինչդեռ նրա՝ Կիրիլովկայի գյուղացիները մի կերպ փորփորում էյին իրենց փոքրիկ (մեկ-յերկու գեսյատին) ուժասպառ հողակտորները և յուրաքանչյուր յերեք տնտեսութուն ուներ հալից ընկած մի վատ ձի:

Կիրիլովկայի գյուղացիների ամբողջ ուժը սպառվում եր կարվածատիրոջ մոտ կատարվող պարտադիր աշխատանքի վրա:

Տարաս Շեվչենկոյի հայրն ու մայրը նույնպես աշխատում էյին կարվածատիրոջ մոտ և համարյա թե տանը չէյին լինում: Յերեխաները թողնված էյին անխնամ, իրենց կամքին: Փոքրիկ Տարասը գնում եր ուկրաինական լայնարձակ տափաստանները, որեր արունակ թափառում եր արևի տակ, յերգեր յերգում, յերազում:

Մանկության տարիներին նա շատ լեզենդներ ու հիշողություններ եր լսել հայրենի Ու-

կրաինայի մասին իր հարյուրամյա պապից և համադյուղացի ծերերից: Նա լսել եր Զապորոժի Սեչի, Գոնտի և Փեղեզյակի*) մասին, գյուղացիական մեծ ապստամբության՝ ընդդեմ լեհական շլյախտայի և այն մասին, թե զապորոժցի-կազակներն ինչպես են ջարդել լեհական պաներին, թե նրանք ինչպես են կովել ազատության և անկախության համար... Այդ պատմությունները խորը նշատեցին նրա մանուկ գիտակցության մեջ:

Տարասը հազվադեպ եր տեսնում իր հորը, ավելի ուշ-ուշ՝ մորը: Նրա համար միակ մոտիկ, սրտակից մարդը իր քույրներ—Կատրյան: Սա քնքշորեն, մայրաբար սիրում եր նրան:

Սակայն շուտով Կատրյան ամուսնացավ և գնաց ուրիշ գյուղ: Հենց այդ տարին մեռավ Տարասի մայրը: Նրա հայրն ամուսնացավ ուրիշի հետ:

*) Запорожская сечь—ուկրաինական կազակական կազմակերպություն, վոր առաջացավ 16-րդ դարում Դնեպրի անտառոտ կղզիների վրա: Զապորոժցիները հաղթամական հետ մասնակցել են ուկրաինական գյուղացիության մի շարք ապստամբություններին՝ ընդդեմ Ռուսաստանի ինքնակալության և կարվածատիրության: Гонта, Иван (մեռել է 1768 թ.) և Железняк հայդամական-գյուղացիական ապստամբության (18-րդ դարում, Ուկրաինա) ղեկավարներ: Ծ. Թ.

Խորթ մայրն իր յերեխաներն ուներ, ըն-
տանիքը մեծացավ, կյանքը առաջվանից ել
տպելի դժվարացավ:

Փոքրիկ Տարասը հաճախ փախչում էր
տնից, շտամ կույր կորզար-բանդուրխանե-
րին, յերգում էր իր սիրած տխուր յերգերը:

Նա յերանի յեր տալիս կորզարներին: Նա
մինչև իսկ յերանի յեր տալիս այն փոքրիկ
տղաներին, վորոնք կույր կորզարների թեկից
բռնած առաջնորդում եյին նրանց: Յեվ քա-
նի՛-քանի՛ անգամ նա ձիգ ու ջանք թափեց
հեռանալ նրանց հետ, ինչքան վոր աչքը կրա-
րում է...

Չնայած ճորտ գյուղացու կյանքի ամեն
տեսակ դժվարություններին՝ Գրիգորիյ Շեվ-
չենկոն Տարասին գպրոց տվեց: Բայց նա,
այդ ճորտ գյուղացին, վո՞րտեղ կարող էր
աալ իր վորդուն սովորելու: Մի՞իայն յեկե-
ղեցական-ծխական դպրոցը:

Տարասը շատ արագ գրել-կարդալ սովո-
րեց:

Նրա ուսուցիչը՝ տիրացու Սովգերը՝ բը-
թամիտ մարդ էր: Նա գիտեր միայն իր յե-
կեղեցական գրքերը— ժամագիրքը և սագ-
մոսագիրքը: Նրա մտքովն ել չէր կարող
անցնել, վոր իր աշակերտը — արասովոր,
հարուստ ձիրքեր ունեցող մի յերեխա յե:
Տարասը նկարելու մեծ սեր ուներ: Նա նկա-
րում էր ամեն տեղ, ուր միայն կարող էր.
Թղթի կտորի վրա, պատին, տախտակի վրա:

Տիրացու Սովգերը դաժանաբար հարածում էր
Տարասին՝ նկարելու ամեն մի փորձ անելու
համար:

Նա իր աշակերտին հարկադրում էր
սե ու բիրտ աշխատանք կատարել. ջուր բե-
րել գետակից, փայտ ջարդել, աման լվալ ու
մաքրել, վառարանները վառել, աղբը դեն
ածել:

1825 թվին մեռավ Տարասի հայրը:

Մեռնելիս, հայրն իր մոտ կանչեց բոլոր
յերեխաներին և նրանց մեջ բաժանեց իր աղ-
քատիկ գույքը:

— Տարաս վորդուս, — առայ նա, յերե-
խաներին հրաժեշտ տալիս, — իմ անտեսու-
թյունից վոչինչ պեաք չե. նա սովորական
մարդ չի դառնա. նրանից դուրս կգա կամ
չատ լավ մի մարդ, կամ մեծ սրիկա...

Տարասը մնաց միանգամայն վորը: Խորթ
մայրը նրան հովվության տվեց: Նա պեաք և
առավոտները տափաստան քչեր անասունե-
րին: Մանուկ էր մոլախոտերի մեջ և այնտեղ
պառկում, նայելով դեպի ուկրաինական շոգ
յերկինքը:

Նկարելու տենչը չէր թողնում նրան:
Թղթի կտորներից նա մի փոքրիկ գիրք սար-
քեց իր համար: Այդ գրքույկի մեջ նա ժողո-
վրդական կոլյազկաներ*) էր գրում, եջերը
գարդարում նկարներով:

*) Մնդյան շնորհավորանք և յերգեր: Ծ. Թ.

Այն որերին նա մի փոքրիկ ընկերուհի ուներ—Ոկտանա Կովալենկո անունով: Ոկտանան նույնպես ճորտ էր: Տարասը յերգեր էր յերգում նրա համար, իր նկարներն էր ցույց տալիս:

Յեկավ աշունը: Խորթ մայրը Տարասին դարձրոց տվեց, բայց այլևս վոչ թե Սովգիրի, այլ մի ուրիշ տիրացուի— Բուզորսկու մոտ: Բուզորսկին դաժան մարդ էր: Նա ամեն շաբաթ, անխաիր կերպով, ծեծում էր իր աշակերտներին— անմեղ թե մեղավոր:

Առանձնապես ծանր էր Տարասի վիճակը. նա միշտ դպրոցի շենքում էր ապրում (խորթ մայրը նրան թույլ չէր տալիս տուն՝ իր մոտ), և տիրացուն հատուկ վերաբերմունք ուներ նրա նկատմամբ: Յեղած-չեղած ուսուցումը քերականական կանոններ և աղոթքներ անգիր անեին էր: Մինչև իսկ ընդհանուր ծեծի ժամանակ Բուզորսկին պահանջում էր, վոր աշակերտները բարձրաձայն աղոթք ասեն:

Դասատուի այդ պատիժները չէին դարձացնում յերիտասարդ Շեվչենկոյին: Այն ջահել տարիներին արդեն նա այնքան կուպուլթյուն և վոչ-մարդկային դաժանություն էր տեսնում, ապա և՛ քաղց, չքավորություն, դյուզացիների անելանելի ստրկություն:

Մի անգամ Բուզորսկին Տարասի ձեռքից համիշտակեց մի դույզ կոչկատակացու կաշի, վոր Տարասն ստացել էր մի դյուզացուց,

ննջեցյալի վրա սաղմոսագիրք կարդալու համար: Տղան բողոք հայանեց: Բուզորսկին սաստիկ ծեծեց նրան:

«Իմ մանկական սիրտը միլիոնապատիկ վերավորված էր այդ բռնակալական սեմինարիայի*) զավակի արարմունքով և յեսավարտեցի այնպես, ինչպես անում են համբերությունը կորցրած անաչառպան մարդիկ, — վրիժառությամբ և փախուստով: Մի անգամ նրան անզգա վիճակում հարբած տեսնելով, յես նրա դեմ գործադրեցի իր սեփական դենքը— գանաձեծը— և, վորքան մանկական ուժերս էլին սլատում, փոխհատուցեցի իր վողջ դաժանության համար»:

Դրանից հետո Տարասը մի սո ժամանակ թագնվում էր բարձր մոլախոտերի մեջ: Իրինա քույրը ուտելիք էր բերում նրան: Հետո նա փախավ Լիսյանկու կոչված ավանը՝ մի նկարիչ—դպրի մոտ: Դպիրը Սովգիրից և Բուզորսկուց վոչնչով լավ չէր: Տարասը սրտ մոտից էլ փախավ:

Նա ճամբա ընկավ դեպի Տարասովկա դյուզը, մի ներկարար տիրացուի մոտ, վորը շրջակայքում հայանի յեր վորպես տաղանդա-

*) Տիրացուն մի ժամանակ սովորել էր յեկեղեցական դպրոցում, վորը սեմինարիա յեր կոչվում:

վոր սրբապատկերանկարիչ: Տիրացուն չընդու-
նեց Տարասին և տղան սկսեց գյուղից գյուղ
անցնել— արդյոք չի՞ գանձի մի լավ ուսու-
ցիչ: Նա այնպե՛ս էր ուզում շուտով նկարիչ
դառնալ: Սակայն նրա վորսնումներն ապար-
դյուն անցան:

Այն ժամանակ նա տուն վերադարձավ և
նորից հովվության գնաց: Իսկ ձմեռը վոր-
պես բառրակ վարձվեց քահանայի մոտ: Շատ
չանցած նա պատահմամբ տեղեկացավ, վոր
մոտակա Խլիպնովկա գյուղում մի ներկա-
րար— նկարիչ կա: Վաղ պարնանը, նոր էր
ձյունը հալել, նա վոտարորիկ ճամբա ընկավ
Խլիպնովկա: Ներկարարը լավ ընդունեց նրան
և սկսեց նկարչութուն սովորեցնել: Սակայն
կարճատև յեղավ Տարասի յերջանկությունը.
հենց վոր ներկարարն իմացավ, թե արդեն լը-
բացել է Տարասի տանհինգ տարին, նա վա-
խեցած պահանջեց, վոր ձորտ պատանին
գնա իրենց կառավարչի մոտ և նրանից թույլ-
տվություն ստանա՝ ուրիշ գյուղում ապրելու
համար:

Տարասը գնաց կառավարչի մոտ: Սա մի
հայացք գցեց նրա վրա և արձակման վկայա-
գիր չավեց: Տարասին թողին կալվածատի-
րոջ տանը:

Նա յերագում էր նկարիչ դառնալ, մինչ-
դեռ նրան խոհարարի աշակերտ դարձրին:

Սախաված էր փայտ ջարդել ու կրել,

պեանախնձոր մաքրել, ջրհորից ջուր հանել,
որբել-փայլեցնել պղնձե ամանները, աղտե-
ղություններ թափել...

Տարասը թախիժով էր հիշում ազատ տա-
փաստանը և իր սիրելի ընկերուհի Ոկոսանին:
Սակայն բախար ինչքան էլ վոր ճնշեր նրան,
նա գլուխը չէր խոնարհում: Խոհանոցային
չիկացած սալի մոտ, բիրտ խոհարարի ձե-
ռի տակ, տղան յերագում էր գալլիք լավ ո-
րերը:

Ազատ բույեներին նա քաջվում էր հովա-
սուն այգին և այնտեղ նկարում: Պատահում
էր, վոր նրան բռնում էյին այդ աշխատանքով
ղբաղված և խիստ պատժում: Սակայն նա
համառ էր, անկոտրում, մի որ հետո նա նո-
րից իր նկարն էր անում:

Թե ներկերն էյին ձեռքից առնում, մա-
տիտով էր նկարում: Մատիտն էյին խլում՝
ածուխով էր նկարում: Թուղթն էյին խլում՝
պատերին էր նկարում...

Մի տարի անց կառավարիչը նրան ու-
ղարկեց Վիլնո բա՛րինի մոտ, գրելով, թե
«պեռքական և վորպես սենյակում նկարներ
անող»:

Սակայն բարինը այլ կերպ վճուեց Տարա-
սի բախար: Նրան դուր յեկավ խաղաղ պա-
տանին և իր մոտ վերցրեց Տարասին, իբրև
սենեկապետ ջահել կազակի: Տղան ամբողջ
որը դեռ ու գե՛ն էր վազում՝ հանձնարարու-

Թյուններ կատարելու կամ թե անչարժ նըստած եր լինում նախասենյակում :

Չեռին վոչ մատիտ կար, վոչ թուղթ : Անասելի թախիծ :

Վերջապես նրան հաջողվեց մի թերթ թուղթ ու մի մատիտ թոցնել գրասենյակային ծառայողի մոտից : Կալվածատեր Ենգելգարդտը գնացել եր պարահանդես : Նկարի, վո՛րբան քեֆը կտա : Սակայն այդ միջոցին ել բանը թարսվեց . պատանին այնպես եր տարվել իր սիրած գործով, վոր կորցրել եր ամեն պատկերացում ժամանակի մասին : Բարինը նրան տեսավ նկարի վրա խոնարհված, կողքին վառ մոմեր : Նա սաստիկ զայրացավ այդպես հո կարելի յե ամբողջ տո՛ւնն այրել, — և հրամայեց, վոր Տարասին մի լա՛վ ծեծեն ախոռատանը :

Այսպես անցավ մի քանի ամիս : Ենգելգարդտը մեկնեց Պետերբուրգ և իր հետ վերցրեց փոքրիկ կաղակ Տարասին : Այդ կալվածատիրոջ խելքին փչեց Տարասին նկարիչ դարձնել : Չե՞ վոր տնտեսության մեջ նկարիչը միշտ ել պետք կգա . նա կնախշի աղայական տան պատերն ու առաստաղը, նա կնկարի իր տիրոջ սիրուհիների պորտրենները . . .

Յեվ Ենգելգարդտը Տարասին տվեց նըկարիչ Շիրյայեվի մոտ ուսման :

Շեվչենկոն մյուս աշակերտների հետ միասին տեղավորվեց տան չարդախում, ուր



Շեվչենկոյի ինքնանկարը

1845 թ.

մութն եր և ցուրտ: Յերեկով նա աշխատում
էր ներկարարի վրձինը ձեռին, իսկ գիշեր
ժամանակ մոմերի մնացորդները վառելով
կարգում էր: Իսկ յերբ սպիտակ գիշերներէ
չըջանը յեկավ, նա սկսեց ամառային այգէ
վազել, այնտեղի արձանները նկարելու:

Այդ ժամանակ նա շատ վատ կյանք էր
վարում: Շիրյայեվը բիրտ էր ու դաժան և
չէր ուզում— ասենք՝ չէր ել կարող— նկար-
չություն սովորեցնել նրան: Բարեբախտա-
բար շուտով Շեվչենկոն ծանոթացավ մի մար-
դու հետ, վորը շուտ ավեց նրա ամբողջ
կյանքը: Դա իր հայրենակիցն էր, նկարիչ
Սոչենկոն:

Հետագայում Սոչենկոն այսպես էր պատ-
մում իր հիշողությունները:

«Յերբ յես «գիպսե գլուխներում» էյի,
կամ թե՛ «Փիգուրաներում»*), չեմ հիշում՝
1835 թվին էր, թե 1836-ին, ինձ հեամիասին
ակադեմիա էր դալիս Շիրյայեվի աներձագը:
Նրանից յես իմացա, վոր իր վեսայի մոտ»

*) Նկարիչը պատկերավոր է տալիս իր հիշողու-
թյունները— «Когда я был в гипсовых головах» или
«в фигурах» այսպես պիտի հասկանալ, վոր նա այդ
տարիներին յեղել է կամ «головой класс»-ում, ուր
սովորողները բացառապես դրաղվում էյին գիպսե
գլուխներ նկարելով, կամ թե «фигурный класс»-ում:

վորպես աղա-աշակերտ գտնվում է իմ հայ-
րենակից Շեվչենկոն, վորի մասին յես վորոչ
բան լսել էյի դեռևս Ուշանայում, իմ առաջին
ուսուցչի մոտ ապրելիս... Յես թախանձագին
խնդրեցի Շիրյայեվի բարեկամին ինձ մոտ՝
բնակարան ուղարկել հայրենակցիս: Տեղեկա-
նալով իր հետ ծանոթանալու իմ ցանկության
մասին, Տարասը մյուս ուրը ևեթ, կիրակի,
գտել էր իմ բնակարանը վասիլիսկիյ կղզու
Կ-րդ գծի վրա և ներս մտալ այսպիսի արտա-
քինով. հագել էր խտակտավ ձեթոտ խալաթ-
գեղջկական հաստ քաթանից կարած շապիկն
ու անդրավարտիքը կեղտոտվել էյին ներկե-
րից: վոտարորիկ էր ու գլխաբաց: Ամաչկոս
աղա յեր, դեմքը խոժոռ:

Առաջին իսկ որից յես նրանում նկատեցի
նկարչություն սովորելու սաստիկ փափագ:
Նա սկսեց հաճախակի գալ ինձ մոտ, բաց
չթողնելով վոչ մի տոն ուր: Այդպիսի այցե-
լությունների ժամանակ Տարասը մեկ մեկ
վորոչ գեպքեր էր պատմում իր անցյալից...»

Սոչենկոն Տարաս Գրիգորիչին իր հետ
աանում է Պետերբուրգի հայտնի նկարիչների
և գրականագետների շրջանը: Նա Շեվչենկո-
յին ծանոթացնում է խոշորագույն ուսսական
նկարիչների՝ Կարլ Բրյուլլովի, Վենեցիանո-
վի, նշանավոր բանաստեղծ Ժուկովսկու, ուկ-
րաինական գրող Գրեբենկայի և ուրիշներ
հետ:

Բ9-65019



Շեվչենկոն այդ ժամանակ պորտրետներ եր նկարում բնականից, սակայն միաժամանակ և աշխատում էր Շիրյայեվի մոտ վորպես ներկարար. դռներ, պատուհաններ ու ցանկապատեր եր ներկում: Կյանքում ամենից շատ փափագում էր մի բան՝ ընկնել Արվեստների ակադեմիա, բայց ճորտերին այնտեղ չեյին թողնում: Ուրեմն, ինչ գնով ել վոր լինի պեաք ե ազատվել ճորտային ստրկությունից, այլապես Ակադեմիան ընդմիջտ փակ ե լինելու իր համար: Մինչև դերեզման պեաք ե մնա վորպես պատուհաններ, ցանկապատեր ու դռներ ներկող:

Քանի Շեվչենկոն ավելի յեր մտերմանում կրթված մարդկանց հետ, այնքան ծանրանում էր նրա հոգեկանը:

Սակայն այդ շրջանում մի մեծ դեպք տեղի ուենցավ նրա կյանքում, այնպիսին, վորի մասին նա չէր ել համարձակվում յերազել:

Սոչենկոն բանաստեղծ Ժուկովսկուն պատմեց Շեվչենկոյի տանջանքների մասին: Ժուկովսկին բարի և սրտացավ մարդ էր: Սոչենկոյի պատմածը հուզեց նրան և նա վճռեց ոգնել ջահել նկարչին: Բրյուլլով և վենեցիանով նշանավոր նկարիչները նույնպես մասն ունեցան Շեվչենկոյի վիճակը բարելավելու գործում:

Նրանք մի քանի անգամ դիմեցին Ենգել-


պարգտին, խնդրելով ազատման թուղթ տալ Շեվչենկոյին: Սակայն Ենգելպարգտն անողորք էր:

— Յերկու հազար հինգ հարյուր ուրբլի — ահա իմ ասած վերջնական դինը, — պատասխանում էր նա Շեվչենկոյի հովանավորներին:

Այն ժամանակ Բրյուլլովը և Ժուկովսկին մի յեղք գտան, թե ինչպես ձեռք բերեն այդ գումարը: Նրանք վճռեցին, վոր Բրյուլլովը կնկարի Ժուկովսկու պորտրեն, այդ պորտրեն նրանք վիճակախաղի կդնեն և ձեռք բերված գերամով ճորտությունից կազատեն Շեվչենկոյին:

Բրյուլլովը հոյակապ պորտրե նկարեց: Վիճակախաղը հայտարարվեց և խոսույն ևեթ վաճառվեցին բոլոր տոմսերը: 1838 թվի ապրիլի 22-ին տեղի ունեցավ վիճակախաղը:

Յեվ նույն օրն ևեթ կալվածատեր Ենգելպարգտը, ստանալով յերկու հազար հինգ հարյուր ուրբլին, ստորագրեց իր ճորտ Տարաս Շեվչենկոյի ազատման թուղթը:



Նկ. Շեվչենկոյի

II

Այն տարիներին, յերբ ծնվեց ու ապրեց Տարաս Գրիգորովիչ Շեվչենկոն, վողջ բաղմամբ իլիոն գյուղացիությունը նիկոլայեվյան Ռուսաստանի անձայրածիր ստորածության վրա գտնվում էր ճորտական ծանր ու սոսկալի կախված վիճակում, չլթայված էր ստորկության կապանքներով:

Կալվածատերերը գյուղացիներին տանջում—չարչարում էյին ամենատարբեր յեղանակներով:

Մարդկանց միջև վոչ մի խտրություն չէյին դնում. ծեր, ջահել, կին ու յերեխա,— բոլորին էլ յենթարկում էյին տանջանքների: «Աստված ինքը տարբեր է ստեղծել տե-

րերին և ծառաներին», — ասում էյին կալվածատերերը և իրենց ծառաների հետ վարվում էյին այնպես, ինչպես քեֆները տալիս եր:

«Կալվածատերը թագավորի ամենահուսալի պատվարն է, — գրել է ցարական ռյանկայի պետ Դուբելյար Նիկոլայ I ցարին: Վոչ մի զորք չի կարող փոխարինել այն աչալը ջությանը, այն ազդեցությանը, վոր կալվածատերն ամեն բոպե ունի իր կալվածքում: Վոչնչացրու այդ իշխանությունը — ժողովուրդը կուրծք կտա ու կհորդի ժամանակին նաև ի՛ր իսկ ցարի դեմ, ինչպես այդ քանիցս յեղել է ոտար յերկրներում: Կալվածատերն ամենահավատարիմ, արթուն մի շուն է, վոր պաշտպանում է պետությունը. նա ի բնե վոստիկան է, վորին սովորույթը, ազաթը և հնազույն ավանդություններն այնքան մեծ իշխանություն են տալիս, վոր դատասպելական է թվում Յեվրոպայի արևմուտքում»:

Յարական, կալվածատիրական Ռուսաստանը վախենում էր գյուղացիական ապստամբություններից: Դաժանաբար դատաստան տեսնելով դեկարբրիստների գլխին 1825 թվին, ցարական իշխանությունն էլ ավելի կտրուկ էր պատժում բունտարար գյուղացիներին...

Հերցենը այսպես էր անվանում ցարական Ռուսաստանը «մշուշի, կամայականության, անտրառենջ սառչելու», անհետ կործանման,

բերանը թաշկինակ խցելով տանջելու թագա-
վորութիւն»:

Այդ տարիներին վողջ յերկիրը մի բանս
էր աշխատավորների համար:

Սակայն վորքան էլ խիստ լինեյին պա-
տիժները, վորքան էլ մեծ լինէր իշխանու-
թյան կամայականութիւնը, այնուամենայ-
նիվ, նրանց չհաջողվեց կասեցնել հեղափո-
խական շարժումը:

Ազատութիւն ստանալով, Շեվչենկոն
մտով Արվեստների ակադեմիան:

Նա ապրում էր Սոչենկո նկարչի տանը,
իսկ Ակադեմիայում աշխատում էր Բրյուլ-
լովի դեկավարութեամբ:

Նա կանոնավոր հաճախում էր բոլոր դա-
սախոսութիւնները՝ նկարչութեան տեսու-
թյան վերաբերյալ, ուսումնասիրում Փրանսե-
րեն լեզուն, շատ էր կարդում ու նկարում:

Բրյուլլովը Շեվչենկոյին տանում էր
Երմիաով, ման ածում թանգարանի դահլիճ-
ներում և մանրամասն ու շատ պատմում էր
արվեստի մեծ վարպետների մասին:

«Իրանք փայլուն դասախոսութիւններ
էին նկարչութեան տեսութեան բնագաղա-
սից», — հիշում էր Շեվչենկոն հետագայում:

Շեվչենկոն սիրում էր Բրյուլլովին և ըս-
կըզբում գանձում էր նրա ազդեցութեան տակ:
Բրյուլլովը պնդում էր՝ «սովորեցեք նկար-
չութեան կրասիկներին» և Շեվչենկոն յենթարկ-



Նկ. Շեվչենկոյի

վում եր իր ուսուցչին— նա կլասիկ որինակների վոպով շատ նկարներ արավ՝ կատարման յեղանակով յեռանդագին նմանեցնելով Բրյուլլովին:

Բրյուլլովը Շեվչենկոյի վոչ միայն ուսուցիչն էր, այլ և բարեկամը: Նա Շեվչենկոյի առջև բացեց իր հարուստ գրադարանը: Նա իր սանին ծանոթացրեց շատ նկարիչների ու գրականագետների հետ: Նա միշտ գործվանքով էր վերարելվում Շեվչենկոյին և սիրալիբ ընդունելութուն էր ցույց տալիս նրան:

Ծանր, չարքաշ կյանքից հետո— Պետերբուրգյան հարուստների և չինովնիկների սրտաբաց աները, թանգարաններ, թատրոն, յերաժշտութուն, աշխարհիկ զվարճութուններ, պարահանդեսներ... Կարող էր դիտապտույտ առաջանալ:

Սակայն Շեվչենկոն կայուն էր:

Յարական վիթխարի ու հարուստ այս մայրաքաղաքում յերջանիկ ազատագրումից հետո, նա առանձնապես խիստ դժաց իր շուրջը տիրող կամայականության մեծագույն սարսափը, աշխատավոր ժողովրդի անծայր ցափն ու դարդը և անպաշտպան վիճակը:

Վո՛չ հուշակված ոուս նկարչի հոյակապ արհեստանոցում, վո՛չ Ակադեմիայի դահլիճներում, վո՛չ էլ յերեկույթներին ու պարահանդեսներին, ուր նրան ընդունում էյին վոր-

պես մի արտասովոր անձնավորության, — նա յեր մոռանում իր տանջվող հայրենիքը:

Պետերբուրգյան կյանքի շքեղության և ազմուկի մեջ նրա առջև դունեց պատկերներով յերեւում էյին իր դժվարին մանկության սրերը:

Ահա այդ ժամանակ առաջին անգամ յերեվան յեկավ այն, վոր նա վոչ միայն նկարիչ է, այլև պոետ: Նա սկսեց բանաստեղծութուններ գրել իր մայրենի լեզվով և այդ սուղերը ախուր էյին, վորովհետև նրանցում արտակարգ ուժով յերեւաց ժողովրդական վիշտը:

Տարիներ հետո, աքսորանվայրում նա հիշեց այդ ժամանակ և իր սրտատարում գրեց.

«... Անտաշ մութիկ-ներկարարի արագ անցը շարգախից դեպի հոյակապ արհեստանոցը մեր դարի խոչորագույն նկարչի: Հիմա դա ինձ էլ անհավատալի յե թվում, այնինչ իրոք այդպես է յեղել: Յես — կեզտոտ չարդախից, յես — չնչին մոխրատիտիկ — թե առած թոս Արվեստների ակադեմիայի կախարդական դահլիճները: Սակայն ինչո՞վ եմ պարծենում: Ինչո՞վ յես ապացուցեցի, վոր ողտվել եմ աշխարհիս խոչորագույն նկարչի խրատներից և բարեկամական մատահութունից: Բնավ վոչնչով... Յես ինչո՞վ եմ գրադվել այդ սրբանվայրում: Տարորինակ է մտածել: Այն ժամանակ յես գրադվում էյի մալո-

րոսսական բանաստեղծություններ գրելով, վորոնք հետագայում այնպիսի մի սոսկալի ծանրությամբ ընկան իմ թշվառ հոգու վրա: Նրա հիասքանչ քաթանների առջև յես մտածմունքի մեջ էյի ընկնում և սրտումս փայփայում էյի իմ կույր-կորզարին և արյունուռչտ հայդամակներին*): Նրա շքեղ ու փարթամ արհեստանոցի սովերում, ինչպես Վերին-դնեպրյան արևատուչոր վայրի տափաստանում, իմ աչքերի առաջ թեթևակի յերեվում էյին մեր խեղճ գեամանները**): նահատակ ըստ-վերները: Իմ առջև փոված էր տափաստանը, կուրգաններով***) ծածկված: Իմ առջև շող-չողում էր իմ գեղատեսիլ, իմ թշվառ Ուկրաինան իր վողջ անբիծ, մեյամաղձոտ գեղեցկությամբ... Յեվ յես մտածմունքի մեջ էյի ընկնում, յես չէյի կարողանում իմ հոգեկան աչքերը հեռացնել այդ հարազատ, դյուրթող

*) 18-րդ դարում ուկրաինական ըմբոստ տարեր, առավելապես դյուրապիներից, վորոնք Դնեպրի աջ-ափնյա վայրերում ապստամբություններ բարձրացրին ընդդեմ լեհ ադնովականության: Ծ. Թ.

**) Ուկրաինայում կաղսկական դորքի ընտրովի հրամանատարներ, վորոնք միաժամանակ վարում էյին ռազմական և քաղաքացիական պաշտոններ:

***) Թմբեր՝ հնադարյան գերեզմանների վրա: Հայտնի են սկյութական կուրգանները Ռուսաստանի հարավում: Ծ. Թ.

սքանչելիքից: Դա իմ կոչումն էր և վոչինչ սովերին...»

1838 թվին—հենց այն տարին, յերբ Շեվչենկոն ազատվեց ճորտությունից և մտավ Ակադեմիա, — նա շատ բանաստեղծություններ գրեց. «Причина», («Ревет и стонет Дуеpp широкій»), «Ветер буйный», «Думка» և հոյակապ մի պոեմ՝ «Катерина».

Հենց այդ ժամանակ էր, վոր նա սկսեց գրել մի մեծ հերոսապոեմ — «Гайдамаки».

Իր Բանաստեղծությունները Շեվչենկոն վոչ վորի ցույց չէր տալիս: Նա շատ բանաստեղծություններ էր գրում, սակայն լուրջ նշանակություն չէր տալիս դրանց: Նա շատ համեստ էր: Նրա վաղ շրջանի բանաստեղծություններից շատերը մեզ չեն հասել:

Առաջին մարդը, վորին Շեվչենկոն համարձակվեց ցույց տալ իր բանաստեղծությունները, ուկրաինական գրող Յեվգենիյ Գրեբենկան էր: Գրեբենկան կարվածատեր էր: Նա միանգամայն այլ կերպ էր պատկերացնում ուկրաինական կյանքը, քան Շեվչենկոն և ամենավարդազույն յերանգներով էր այն նկարագրում: Սակայն վորպես գրող նա չէր կարող չզննհատել Շեվչենկոյի բանաստեղծությունների պոետիկ պարզությունը, թարմությունն ու թովչությունը: Նա Շեվչենկոյին խորհուրդ տվեց հրատարակել այդ սքան-



Շեվչենկոյի կնքնանկարը

1843 թ.

չեղի սողերը: Սակայն Շեվչենկոն պատասխանեց. «Չարժե!»:

1839 թվին Շեվչենկոն շատ նոր բանաստեղծութիւններ գրեց. «Тополя», «Перебендя», խորին թախիծով համակված սողեր՝ «Думы мои, думы», վորոնք յուրատեսակ պոետիկ ներածութիւն են բանաստեղծի վաղ շրջանի վողջ ստեղծագործութեան համար:

Գրերենկան համառորեն պնդում, համոզում էր Շեվչենկոյին՝ հրատարակել իր բանաստեղծութիւնները: Յեւ Շեվչենկոն վերջ ի վերջո համաձայնեց:

Շեվչենկոյի բանաստեղծութիւնների առաջին ժողովածուն ապովեց 1840 թվին «Кобзарь» անունով:

Շեվչենկոն այսպես մտաւ գրականութիւն:

Յեւ նույն այդ տարին նա արժաթե մեդալ ստացաւ Ակադեմիայից՝ նկարչութեան մեջ ցուցաբերած առաջադիմութեան համար:

«Ուկրաինական խիստ մուսան, — գրում էր Շեվչենկոն, — յերկար ժամանակ խորթ էր իմ ճաշակին, վորին կյանքը խեղաթյուրել էր դպրոցում, կալվածատիրական տան նախասենյակում և քաղաքի բնակարաններում: Բայց յերբ ազատութեան նախազգացումն իմ զգացմունքերին վերադարձրեց մանկութեան առաջին տարիների հստակութիւնը, մանկութիւն, վոր անցել էր հորս խղճուկ

Ճգոտակտրի տակ, — նա՛ շնորհակալ եմ՝
չբիկեց ու փայփայեց ինձ ոտար վայրում...»

Շեվչենկոյի ուկրաինական բանաստեղ-
ծությունների առաջին գիրքը լայն արձագանք
ունեցավ. Ուկրաինայում խանդավառութեամբ
ու արցունքներով ընդունեցին այն:

Բոլորը ջերմորեն վողջունում էին իրենց
հարազատ պոետին:

Այն ժամանակվա ուկրաինական գրակա-
նության կորիֆեյներից մեկը՝ Կվիտկա-Ուս-
նովյանենկոն Շեվչենկոյին գրած նամակում
այսպես եր նկարագրում այն տպավորու-
թյունը, վոր ընթերցողների վրա թողել էր
«Կորզարի» առաջին հրատարակությունը.

«... Սկսեցինք կարգալ... Կինո լալիս
և... Յես սրտիս սեղմեցի ձեր գիրքը: Լավ է,
չա՛տ լավ: Ավելին չեմ կարող ասել...»

Սակայն գրականագետներից վոմանք
խիստ նախատինքներով դիմադրեցին «Կոր-
զար»-ի լույս տեսնելը: Նրանք դատապար-
տում էին ժողովածուի լեզուն, Շեվչենկոյին
անվանում «մուժիկական պոետ»:

1841 թվին առանձին հրատարակութեամբ
լույս տեսավ Շեվչենկոյի «Հայդամակներ»
հերոսապոեմը: Այս պոեմում Շեվչենկոն տվել
է լեհական շլյախտայի դեմ բռնկած գյուղա-
ցիական ապստամբութեան հզոր պատկերը:
Հայդամակների պատկերներում պոետը ցույց
է տվել ուժեղ, քաջարի մարդկանց, վորոնք

պայքարում են հանուն իրենց հայրենիքի ա-
զատութեան՝ լեհական պաների լծից:

Գետք է ասել, վոր «Հայդամակներ»
մեջ Շեվչենկոն չի բացահայտու՞մ կազակա-
կան «ավազի» իսկական եյությունը, իդեա-
լականացնում է Գոնտային և ժեբելոյակին,
պատվազուրկ չի անում ուկրաինական կալ-
յածատերերին և տերտերներին, վորոնք վոր-
ձել են ազգային թշնամանքն ոգտագործել ի-
րենց դասակարգային նպատակների համար:
Սակայն այդ պոեմը գրված է դեռևս այն
ժամանակ, յերբ Շեվչենկոն լիովին չէր
հասկանում ամեն տեսակ պանութեան (այդ
թվում և ուկրաինական) իսկական բնույթն ու
դասակարգային եյությունը: Այդ պոեմի վրա
աշխատելիս Շեվչենկոն հիմնվում էր հնորյա
ավանդությունների, լեզենդների և ժողովրդ-
դական յերգերի վրա, վոր նա լսել էր գըլ-
խավորապես մանկութեան և պատանեկու-
թեան տարիներին:

«Հայդամակներ» պոեմը հատարակական
մեծ դեր խաղաց Ուկրաինայում:

Հենց այդ ժամանակ էր, վոր այնտեղ
գյուղացիական ապստամբություններ էլին
տեղի ունենում:

Կիևի նահանգապետը հետևյալն էր գրում
ուզմական մինիստրին.

«Թեպետ իմ ձեռք առած միջոցների շնոր-
հիվ արդեն խաղաղություն է մտցված գա-

վառները մեծ մասում, ուր թյուրիմացություններ ելին յերևացել, սակայն կանեվի և նրան հարեան մի քանի գավառներում, ուր դեռ կատարելապես չի հանգել հիշողությունը կազակության մասին, գյուղացիները շարունակում են համատել»:

Այդպիսի մի «Հիշողություն կազակության մասին» եր և «Հայդամակներ» պոեմը: Շորտացված գյուղացիության մեջ այդ գիրքը հնչեց վորպես ապստամբության կոչ:

Հետագայում, 1861 թվին, ազնվականները գրել են Կիևի նահանգապետին.

«Ժողովուրդը, հանձինս նրանց (այսինքն «Հայդամակներ» պոեմի հերոսներին), տեսնելով բացառապես միայն վրիժառության, ջարդի, արյունահեղության նկարագրությունը, գրգռվում և կրկնելու այնքան վառաբանված այդ գործերը»:

Լավ չպատկերացնելով այդ պոեմը տպելու բոլոր հեռանքները, ցարական ցենզուրան թույլ տվեց տպագրել այն, սակայն անշափ շատ «աշխատանք թափեց» նրա վրա:

«Ի՞նչ հալ քաշեցի դրանց ձեռից» — պատմում եր Շելլենկոն, — ցենզուրական կոմիտեն զոռով բաց թողեց գիրքս: «Վրդովեցուցիչ է, դե իհարկե...»

1840-1843 թվերին նա գրել է «Думка» («Тяжко, тяжело жить на свете...»), «Чели», մի մեծ պոեմ՝ «Марьяна-черница», նվիրված Ոկտանա Կովալեն-

կոյին — մի ճորտ աղջկա, Շելլենկոյի մանկության ընկերուհուն (պոեմը այդպես էլ կիսատ մնաց), «Утопленница» ոտմանտիկ բալլադան, «Գամալիա» պոեմը և այլ շատ բանաստեղծություններ:

«Ինձ ենտուզիստա են անվանում, այսինքն՝ հիմար, — թող ասեն, ինչ անենք, — գրում եր Շելլենկոն 1843 թվին Տարնովսկուն: — Թող յես «մութիկական պոեա» լինեմ, միայն թե՛ պոեա, այլևին ինձ պեաք էլ չե...»

Սակայն պոեզիայով տարված Շելլենկոն նորից չի թողնում և նկարչությունը: Այդ բնիկ տարիներին նա նկարում է «Կատերինա» պատկերը և մի քանի պորտրետներ, նկարագործում է գրքեր և կենցաղային շատ ուրվանկարներ և անում:

Իր աշխատանքների համար նա յերկրորդ արժաթե մեդալն է ստանում Ակադեմիայից:

1843 թվի ամառվա վերջին նա ուղեվորվեց հայրենիք, այցելեց Կիրիլովկա գյուղը, հանդիպեց իր մերձավորներին՝ հեա, հետո յեղավ Ուկրաինայի շատ վայրերում և այնտեղ ծանոթացավ ուկրաինական յերիտասարդ ինտելիգենցիային:

Ուկրաինայում նա ճանաչեց Պանտելեյմոն Կուլիչին, բեղմնավոր ու բազմակողմանի ձիրքերով ոժտված ուկրաինական այդ գրականագետին, ծանոթացավ Ռեպինի ընտանիքի

հետ և մտերմացալ իշխան Ռեպնինի աղջկա—
լիբերալ և մարդասեր Վարվարա Նիկոլայեվ—
նայի հետ:

Ահագին քանակությամբ նկարներ, վոր
արտացոլում էին Ուկրաինայի կյանքը, շատ
պորտրետներ և լիբիքական բանաստեղծու—
թյուններ— այս եր նրա ուղեորության
արդյունքը:

Ճանապարհորդության ժամանակ Շեվ—
չենկոն իր հայրենիքում տեսալ էլի նույն
ձեռնումը, ելի նույն շահագործումը:

Ամեն կողմից նրան պատմում էին կյան—
քի սարսափների մասին: Մի կալվածատեր
ձեծելով մահվան դուռն եր հասցրել մի քանի
ճորտ գյուղացիների սոսկ այն պատճառով,
վոր սրանք այնպես հարգանքով վոտի չէին
կանգնել իր առաջ հարբած վիճակում. մի
ուրիշ կալվածատեր բաժանել եր ընտանիքի
անդամներին, գյուղացու աղջիկներին փոխե—
լով ազնվարյուն շների հետ. յերրորդը խել
եր մի պառավ կնոջ յերկու վորդիներին, զին—
վոր ուղարկել նրանց, հիվանդ մորը թող—
նելով մենակ, առանց վորեւ նեցուկի:

Շեվչենկոյի համար անասելի ծանր եր
տեսնել, թե ինչպես ե նահատակվում էր
ճորտացված հայրենիքը:

«Անցյալ տարի յեղա Ուկրաինայում,—
մի տարի անց նա գրում եր Յակով Կուխա—

յենկոյին:— Ամեն տեղ ել յեղա—և բոլորը
լալիս էին. ալերե՛լ են մեր Ուկրաինան...»

1844 թվին Շեվչենկոն վերադարձալ Պե—
տերբուրգ:

Ճամբին— Մոսկվայում նա ծանոթացալ
ուսու մեծ դերասան Շչեպկինի հետ:

Շչեպկինը ճորտ գյուղացու վորդի յեր և
ինքն ել ճորտ եր մինչև յերեսուն յերեք տա—
լեկան հասակը:

«Նրա արվեստի հաղթանակը,— դրել ե
Ֆելինսկին,— միայն նրանում չե, վոր նա
կարող ե բեմի վրա միենույն ժամանակ հա—
րուցել և՛ ծիծաղ և՛ արցունքներ, այլ նրա—
նում, վոր նա կարողանում ե դիտողներին
հետաքրքրել հասարակ մարդու վիճակով և
նրանց հարկադրել բուռն լաց լինել և սարսը—
ռալ— տեսնելով վորեւ նավաստու տանջանք—
ները, ինչպես Մոչալովն ե հարկադրում նր—
բանց լաց լինել և սարսռալ— իշխան Համլե—
տի կամ զորավար Ոթելլոյի տանջանքները
տեսնելով...»

Մոսկվայում սկսվում ե Շեվչենկոյի ու
Շչեպկինի բարեկամությունը, վոր հարատե—
վեց նրանց կենդանության բոլոր ժամանակ:
Նրանք հոգով մոտ մարդիկ էին:

Շեվչենկոյի բանաստեղծությունները
նույնպես հարկադրում էին ընթերցողին
«լաց լինել և սարսռալ, տեսնելով հասարակ
մարդկաց տանջանքները», վորովհետև պոետն

աշխատավորները մասին գրել է ինչպես իբր
հարազատների մասին, — սիրով, հարգանքով
և սրտի թրթիռով:

Պետերբուրգ վերադառնալուց հետո Շելլ-
չենկոն մտերմացավ Պետրաշևսկու հեղափո-
խական խմբակի անդամների հետ. դրանք ա-
ռաջին ոռու սոցիալիստ-ուսուսիտներն էին:

Նրանց հայացքները հասկանալի և մոտ
էին Շելլչենկոյին և նա, անկասկած, համա-
կարծիք եր նրանց:

Պետերբուրգում նա գրադվեց «Живописная
Украина» արժույթի հրատարակությամբ, վորի
համար ինքը վորպես նկարիչ կատարեց մի
շարք ոֆորաներ:

1844 թվի մայիսին նա գրեց իր հայանի
«Сова» բանաստեղծութունը, նվիրված ժո-
ղովրդական վշտի պատկերացմանը, մի վիշա,
վոր առաջացել եր նիկոլայեվյան վոչ մարդ-
կային սալգաթայնությունից:

Իսկ հուլիսին նա կերտեց «Сон» սուր քա-
ղաքական յերգիծանք-պոմֆլետը, վոր ամ-
բողջովին համակված եր դայրույթով և դե-
պի ցարական իրավակարգն ու կալվածատե-
րերը տաճած ատելությամբ:

«Сон» պոեման գրված է ճորտ գյուղա-
ջու բերանով, վոր յերագում է աշխատավոր-
ների ազատագրումը ստրկության շղթաներից
և բովանդակում է խարազանոց քննադատու-
թյունն ճորտատիրական իրավակարգի և միա-

պետական ռեժիմի նկատմամբ: Պոեմն այս-
տեղ յերգիծանքով է պատկերել «ցար-բա-
տյուշկա» Նիկոլայ I, իրեն թագուհուն, նր-
բանց մերձավորներին, ցարական ամբողջ
արքունիքը:

Այստեղ, ի հակադիմ շատ ուկրաինական
գրողների (Գրեբենկայի և ուր.), վորոնք
ուկրաինական գյուղը պատկերել են վորպես
«յերկրային դրախտ», Շելլչենկոն միանգա-
մայն այլ, ուսլ, ճշմարտությամբ լի պատ-
կերն է տալիս ճորտային կենցաղի:

Քանի գնում այնքան կտրուկ է դառնում
երա քննադատությունն իր ուկրաինական հայ-
բենակիցները—պան-լիբերալները նկատմամբ:

«Գոռում, խաչ է բարձրանում հանուն
նոր գազափարների, հանուն քաղաքակրթու-
թյան, հանուն մարդկության, իսկ ինքը...»
գեղջուկներին ճգմիչի տակ է գնում ճակնդե-
ղի հետ միասին*) , — գրել է Շելլչենկոն
«Прорыака» վիպակում, բնութագրելով լիբերալ
կարվածատերերից մեկին:

«Կարելի չէ, թե դա նրանց «նրբագագ»
բնավորության համար իրոք վոր շատ գեղե-
ցիկ է, բայց մեր գեղջկական աչքերի համար
չա անասելի գարշելի չէ», — գրել է նա շատ
ուկրաինական գրողների յերկերի մասին, վո-

*) Ցխտա Դենիս Դավիդովի բանաստեղծու-
թյունից:



Կատերինա

Նեկ Շեվչենկոյի:

րոնք խեղաթյուրում են ուկրաինական ծանր իրականությունը և ճորտական գյուղի կյանքը պատկերացնում վորպես մի «գրախա յերկրիս վրա»:

1845 թվի սկզբին Շեվչենկոն ավարտեց Արվեստների ակադեմիան և վերադարձավ մեկնեց Ուկրաինա:

Նա յեղավ շատ վայրերում: Յեղավ Կիև-վում, Միրգորոդում, Յագոտինում, Ռոմ-նիում, Մարչինսկոյե գյուղում, Վյունիչչա գյուղում և Պերեյասլավում:

Հայրենի յերկրում ճանապարհորդելիս Շեվչենկոն գրեց մի քանի մեծ պոեմներ և շատ բանաստեղծություններ:

Այդ տարին գրած իր վորոշ յերկերում նա վերադարձնում է Ուկրաինայի պատմական անցյալին («Невольник» «Подземелье» և ուր.), սակայն վորպես տարբերում վաղ շրջանի յերկերից, նա այլևս չի իդեալականացնում անցյալը: Այդ յերկերում քանի գընում այնքան բարձր են լսվում ժողովրդական մասսաների կոչը՝ ապստամբել ընդդեմ Նիկոլայեվյան կայսրության տաժանակրական ճնշման: «Подземелье» պոեմում Շեվչենկոն հույս է հայտնում, թե մոտ է ճորտացված գյուղացու հաշվեհարդարի ժամը պաների հետ և վոր գյուղացիական նոր ապստամբությունը մահապատժի կենթարկի դահիճ-կալվածատեր պաներին:

Այդ շրջանում Շեվչենկոյի ստեղծագործած բոլոր յերկերի մեջ առանձնապես աչքի յե ընկնում նրա «Кавказ» զորեղ պոեման։ Դա ցարական Ռուսաստանի՝ ժողովուրդների բանտի պատկերն է։

Մոլդավացուց մինչ փինը

Լուռ և ամեն ինչ բոլոր լեզուներով։

Բարձր դասն է ապրում յերջանիկ...

Տեղնաբար ստում և պոետը։

«Кавказ» պոեմում բանաստեղծը հասնում է մինչև համաժողովրդական դադափարները, մինչև ինտերնացիոնալիզմը։ Նա նույնքան մոտ է ընդունում իր սրտին ստրկացված կովկասցիների և Ռուսաստանի կայսրութան կազմի մեջ մանող այլ ժողովուրդների ամանանքները, վտրքան և ուկրաինացիներինը։

Նույն այդ տարին Պերեյասլավում, ծանր հիվանդ վիճակում, պոետը գրեց իր «Завещание»-ն («Как умру—похороните на Украине милой...») — «Յերբ մեռնեմ—ինձ թաղեք անուշ Ուկրաինայում...»

Թաղե՛ք ու վոսի կանգնե՛ք,

Կապանքները կտրեցե՛ք

Յե՛վ քշնալու տա՛ք արյունով

Ազատաբյուրը ցողեցե՛ք։

բացականչում և պոետը։

Այս խոսքերը հնչում էլին վորպես ապրտամբության անմիջական կոչ։

1846 թվին Շեվչենկոն առավելապես ապրում է Կիևում։ Նա աշխատում է հնագիտական հանձնաժողովում, բազմաթիվ նկարներ է անում, լսում է կորգարների յերգերը։

Կիևում նա ծանոթանում է ուկրաինական յերիտասարդ գիտնական Ն. Ի. Կոստոմարովի հետ։ Կոստոմարովը խոսում էր ռեֆորմների անհրաժեշտության մասին, հիանում էր Շեվչենկոյի բանաստեղծություններով։ Շուտով նրանք բարեկամացան։

Կիևում Շեվչենկոյի առջև առաջվա պես լայնորեն բաց էլին արիտոտկրատական տների դռները։ Առաջվա պես հարուստ և անվանի մարզիկ գովարանում էլին նրա բանաստեղծությունները։ Սակայն Շեվչենկոն աղվելի սիրով մոտ բարեկամություն էր հաստատում ծորած դյուրացիների հետ։ Սրանք միշտ անհամբերությամբ էլին սպասում նրան, աշխատավոր մարդկանց շրջանում նա մոտիկ, հարգատ մարդ էր։

Կոստոմարովը Շեվչենկոյին ծանոթացրեց իր ընկերների ու համախոհների հետ և նրան մտցրեց Կիրիլ-Մեֆոդյան յեղբայրության մեջ— մի դադանի ընկերություն, վորը նպատակ էր դրել բոլոր սլավոնական ժողովրդներին համախմբել մի ֆեդերացիայի մեջ։

Այս ընկերության պլանները մշուշոտ քնույթ ունեյին։ Մինչև իսկ ինքը՝ զբա հիմ-

նազիր Կոստոմարովը պարզ և վորոշ չէր պատկերացնում, թե ինչպիսին պիտի լինի այդ պետութժյունների Փեղերացիան: Նրա ծրարագրի միակ արժեքավոր կետերն էին. ճորտատիրական իրավունքի վերացումը և դրազխտութժյան կազմակերպված տարածումը ժողովրդի մեջ:


Ակներև է, վոր հենց այս կետերն են գրավել Չաճեյ Շեվչենկոյին: Ուկրաինական սոցալախականներից կազմված այս ընկերութժյան ջանքերը նա դիտում էր վորպես մի ձգտում՝ պաշտպանելու ստրկացված դյուղացիութժյանը:

1847 թվի դարնանը նա պատրաստվում էր մեկնել Իտալիա—իր կրթութժյունը շարունակելու: Կուլիչի Չաճեյ կիսն այս ճանապարհորդութժյան համար տվեց իր ունեցած բոլոր դրամը և թանկարժեք իրերը: Ամեն ինչ պատրաստ էր մեկնելու:

Ապրիլին պետք է կայանար Կոստոմարովի հարսանիքը:

Շեվչենկոն ճանապարհորդում էր Ուկրաինայում: Նա վորոշել էր այդ հարսանիքի օրը վերադառնալ Կիեվ:

Նա չգիտեր, վոր ուսանող Պետրովի մատնը շուտթյամբ արդեն ձերբակալված են Կիրիլ — Մեֆոդյան յեղբայրութժյան բոլոր անդամները, դրանց թվում և Կոստոմարովը, Դուլաիը և Կուլիչը: Նա չգիտեր, վոր գրավոր



Կիեվում

Նկ.Շեվչենկոյի:

հրաման էր տրված փնտռել իրեն՝ Տարաս Շեվչենկոյին, «վորպես բացառիկ կարևոր պետական մի հանցավորի»:

Ապրիլի 5-ին Շեվչենկոն հասավ Կիեվ, հազալ իր Փրակը, հաստատ համոզված լինելով, վոր անմիջապես կընկնի հարսանիք: Գետափին նրան սպասում էին վոստիկանները: Նրան իսկույն և եթ ձերբակալեցին և տարան Կիեվի գեներալ-նահանգապետի մոտ:

— Այդ ի՞նչ է, Տարաս Գրիգորևիչ, Փրակ հազամ և սպիտակ փողպատով, — հարցրեց նահանգապետը:

— Յես շտապում եյի գնալ Կոստոմարովի:

հարսանիքը: Յես նրա մոտ հրավիրված եմ
վորպես խաչեղբայր, — պատասխանեց պոե-
տը:

— Դե, ուրեմն վորտեղ փեսացուն է,
այնտեղ ել կլինի խաչեղբայրը, — հեղնարար
նկատեց նահանգապետը:

— Լա՛վ հարսանիք է, — ասաց Շեվչեն-
կոն:

Ապրիլի 17-ին նրան հասցրին Պետեր-
բուրգ:

Սկսվեց Կիրիլ-Մեֆոդյան յեղբայրու-
թյան գործի քննությունը: Շեվչենկոն նրա-
տած էր բանտում: Նա աննկուն էր և բա-
նաստեղծություններ էր գրում:

Քննությունը շարունակվում էր:

Ժանդարմների շեֆը շատ մեղմ գնահա-
տական ավեց այդ գործի մասին.

«Ննկերության նպատակն է յեղել ի մի
համախմբել սլավոնական ցեղերը ուսս կայս-
րի գայխսոնի ներքո: Այս նպատակին հասնելու
համար, վորպես միջոցներ, յենթադրվելիս են
յեղել վողեչնչեկ սլավոնական ցեղերին՝ սե-
փական ժողովուրդը հարգելու համար և հա-
մերաշխություն մտցնել սլավոնների միջև»:

Նույն այդ ղեկուցման մեջ այսպիսի նե-
րողամիտ կարծիք էր արված ընկերության
անդամների մասին.

«Նրանք յերեք շեն մտահղացել վոչ
ժողովրդական ցնցումներ, վոչ խոսվու-

թյուններ, վոչ Ռուսաստանի որինական իշ-
խանության բարեփոխումներ, և առավել ևս՝
վորեկ զինված տեղաշարժ»:

Սակայն «ուրիշ սլավոնասեր անձանց՝
նման մի ուղղությունից հեռացնելու նպատա-
կով», հիշված էր վճռի մեջ, Կոստոմարովին
և Գուլակին դատապարտեցին — մեկին՝ մի
տարով, մյուսին՝ յերեք տարով բանտարկու-
թյան, իսկ մյուսներին յենթարկեցին գանա-
զան չնչին պատիժներին:

Շեվչենկոն ժանդարմներին ապացուցեց
իր՝ վորպես թե ընկերությանն անմասնակից
յինելը և քննությամբ արդարացալ: Սակայն
ընկերության բոլոր անդամներից մասնավո-
րապես նա յեր, վոր ամենածանր պատիժն
ստացալ: Նրան կործանեցին ժանդարմների
դատած բանաստեղծությունները:

Շեվչենկոյի ձերբակալության մասին ու-
ղարկած իր տեղեկագրի մեջ Կիևի նահանգա-
պետ Փունդուկեյը հայտնել էր «Նորին կայ-
սերական մեծության սեփական գործալարու-
թյան յերբորդ բաժանմունքին» (ոխրանկա-
յին).

«Այն անձանց թվում, վորոնց նկատ-
մամբ՝ Կիևի, Վոլինսկի, Պոդոլսկի պարոն
ուսղմական դեներալ-նահանգապետից իմ ըս-
տացած հրամանագրի համաձայն ուշադրու-
թյուն էր դարձված, մատնանշված էր Ս.
Պետերբուրգի Ակադեմիայի նկարիչ Տարաս

Պրիգորևիչ վորդին Շեվչենկոյի: Այս նկարի-
չը Չերնիգովի նահանգից վերադառնալուն
պես յերեկ ձերբակալվեց Կիև քաղաքը մըտ-
նելու միջոցին և անմիջապես բերվեց ինձ
մոտ: Նրա քղբերի մեջ գտնվեց մի ձեռագիր
գիրք՝ նրա սեփական մալորոսական բանաս-
տեղծութիւններով, ուստի և թե այդ, և թե
մյուս բոլոր նրա մոտ գտնված բանաստեղ-
ծութիւնները, ինչպես նաև Շեվչենկոյի անձ-
նական գրադրութիւնը յես պարտք համարե-
ցի ներկայացնել Նորին կայսերական մեծու-
թյան սեփական գործավարութեան յերրորդ
բաժանմունքին:

Սույնի հետ միասին ուղարկվում է և
նկարիչ Շեվչենկոն խիստ հսկողութեամբ,
կազմված մեկ վոստիկանական սոյաչից և մեկ
չարքային ժանդարմից:

Քաղաքացիական նահանգապետ՝ Գուկու-
կիեյ»:

Յարական ոխրանկայում Շեվչենկոյին
հարցաքննելիս այսպիսի հարց արվեց նրան.

«Ի՞նչ առիթներով եյիք դուք այն աստի-
ճան անպատկառացեւ, վոր ամենահանդուգն
բանաստեղծութիւններն եք գրել թագավոր
կայսեր դեմ»:

Շեվչենկոն շիտակ պատասխանեց.

«Իեռ ևս Պետերբուրգում ապրած ժամա-
նակ յես ամեն տեղ լսել եմ հանդուգն խոսքեր
և պարտավանք՝ թագավորի և կառավարու-

թեան հասցեյին: Մալորոսիա վերադառնա-
լով, յես ավելին ու վատթարը լսեցի Չահել և
լրջմիտ մարդկանց չըջանում. յես տեսա գյու-
շացիների չքավորութիւնը և նրանց սոսկալի
կեղեքումը կալվածատերերի, պոսեսորնե-
րի*) և եկոնոմ—չյախտիչները**): կողմից:
Այս բոլորն անում եյին և հիմա ել անում են
թագավորի և կառավարութեան անունով»:

Շեվչենկոն ծնկի չեկալ ցարական ուղբիչ-
նիկների առջև. նա շիտակ նրանց յերեսին ա-
սաց ճշմարտութիւնը:

Յեվ նրանք դատապարտեցին Շեվչենկո-
յին:

Դատապարտեցին վոչ թե Կիրիլ—Մե-
ֆոդիյան յեղբայրութեանը մասնակցելու
հիմքով, այլ «Сон» պոեմի համար, վոր
գտնվել էր ձերբակալութեան ժամանակ, նրա
բոլոր խիզախ բանաստեղծութիւնների հա-
մար, ուղղված ժողովրդի հարստահարողների
դեմ:

*) Поссесор— գործարան վարձակալող (արենդա-
տոր):

***) Эконом—шляхтичы կոչվում եյին ազնվականա-
կան կալվածքների այն կառավարիչները, վորոնք
սնանկացած լինելով վորպես մանր ազնվականութեան
բեկորներ, ստիպված եյին այլևս վարչական պաշտոն-
ներ ստանձնել— եկոնոմներ դառնալ: — Шляхта—ն
լեհական մանր ազնվականութիւնն էր:

Յեղրափակման մեջ ժանդարմների շեֆը գրել էր.


«Շեվչենկոն չի պատկանել ուկրաինական սլավոնական ընկերությանը, այլ դործել է առանձին, տարվելով սեփական փչացածությամբ: Վրդովեցուցիչ վոզու և հանդգնության պատճառով վոր չափ ու սահման չունի, նա պետք է ճանաչվի ամենակարևոր հանցավորներից մեկը»:

Ընդունվեց այսպիսի վճիռ.

«Նկարիչ Շեվչենկոյին՝ վրդովեցուցիչ և վերին աստիճանի հանդուգն բանաստեղծություններ շարադրելու համար՝ վորպես ամուր կազմվածքով ոժտված մարդու, նշանակել Որենբուրգի առանձին կորպուսի մեջ իբրև վարքային զինվոր, գորահրամանատարությանը հանձնարարելով խստագույն հսկողություն ունենալ նրա նկատմամբ, վորպեսզի նա վոչ մի կերպ հնար չունենա վրդովեցուցիչ և ծանախող գրվածքներ տալու»:

Այս վճիռը ներկայացվեց Նիկոլայ I ցարին ի հաստատություն: Ֆարը կարդաց բանաստեղծությունները, «Сон» սյունը, գործին հարակից բոլոր այլ նյութերը և փրփրեց: Պատիժն անբավարար թվաց նրան և նա իր ձեռքով ավելացրեց ռիտանկայի յեզրափակման վրա.

«խստագույն հսկողության տակ դնել նրան՝ արգելելով գրել ու նկարել»:



Տյուկ—Ղարաջայ

Նկ. Շեվչենկոյի:

III

1847 թվի հուլիսին Ֆելդյեզեր Վիդլերն ութ որվա ընթացքում կտրելով ավելի քան յերկու հազար կիլոմետր, Շեվչենկոյին հասցրեց Որենբուրգ:

Որենբուրգից Շեվչենկոն ետապով հետիոտն անցավ մոտ յերեք հարյուր վերստ՝ մինչև Որսկ քաղաքը — իր աքսորավայրը:

Բերդը չըջապատող արևատուջոր լերկ տափաստանը բաց գերեզման թվաց նրան:

«Արդյոք յերգեր յերգո՞ւմ են այստեղ, — մտածեց պոետը: — Այսպիսի դեկորացիա յեղած վայրում հնարավոր է սոսկ մեռած լուսթյունը, ծանր հառաչանքներով բնդհատվող և վոչ թե հնչուն յերգերը»:

Առաջին կենդանի հիշեցումը մարդկանց մասին, դա գրոջմավորած կոճղավորներին

բաղմությունն եր: Զորանոցների մտտ Շեվչենկոն տեսավ Կ-րդ Որենբուրգյան զնդի Ծ-րդ գումարտակի հոգնատանջ համաքայլող զինվորներին: Նրան նշանակեցին այդ գումարտակի 3-րդ վաշտի մեջ: Հազցրին շինել: Գլուխն ամփլեցին, ինչպես տաժանակիրները հետ էլին վարվում:

Վաշտապետն իսկույն և եթ խոստացավ ճիպոտներով մի լավ ծեծել Շեվչենկոյին: Մեծ պոետը լուռ լսեց նիկոլայեվյան բոխ վոստիկանին:

«Արդյոք յերգեր յերգում են այստեղ»:

Ի՛նչ յերգ, ի՛նչ բան: Ծաղրանք, խոստավարժություն, ապտակ ու հարված բերանին, ծեծ, գինարուք, սանձարձակ կամայականություն— ահա թե նա ինչ տեսավ Որսկում:

«Ասա թե նենդ ճակատագրի ինչի՛ն եր պետք եսպես չար ու թունալից ծաղրի յենթարկել ինձ, դցելով քրիստոսասեր զորականության ամենահոտած տակաճի մեջ...»

Ռազմական խոստավարժությունը նա չէր կարողանում կատարել ինչպես պետքն է:

«Դժվար է, ծանր ու անհնար, խլացնել քո մեջ մ'արդկային ամեն արժանապատվություն, ձգված կազնել, լսել հրամանի խոսքերը և շարժվել անշունչ մեքենայի պես...»

Դանդաղ անցնում էին զորանոցային միորինակ որերը: Առավոտյան վաղ լավում էր թմբկահարությունը: Հրապարակի վրա


սկսվում էր զորավարժությունը: Անմիտ այդ համաքայլումը տեսնում էր հինգ ժամ: Մարզիկ սեանում էին հոգնածությունից: Իսկ հետո մինչև ուշ յերեկո— «բանավոր պարապմունք», յեֆրեյտորի խոսքերով բառ առ բառ պետք էր բերանացի անել անունների և ազգանունների մի յերկար շարան, սկսած վաշտապետից մինչև ռազմական միևիտորը:

Յերեկոյան ժամի իննին զորանոցը փակում էին:

Վարձատախտերի վրա սկսվում էր յերկար և հոգեմաշ տաղտկալի զրույցը: Տանջված, չարչարված ու բթացած զինվորները ծուլ-ծուլ կատակում էին միմյանց հետ, անվերջ պատմելով միևնույն բանը տարբեր յեղանակներով. ո՛վ ո՛ւմ է ծեծել, ո՛վ ինչքան է ողի խմել, ո՛վ ո՛ւմ է տարել թղթախաղի մեջ, ո՛վ ինչքա՛ն է տարել, վաղը ո՛վ ո՛ւմ կծեծի...:

Իսկ այսպես կոչված «հրամանատարությունը— այդ բոլոր յեֆրեյտորները, Փելդֆերենները, ունտերները և այլն— հարբեցողները, թղթամոլները, կաշառակերների, աբյունարբունների և թալանչիների մի խառնաժողով էր:

«Մինչև իմ Որսկ բերդը դալը յես մըտքովս ել չեյի անցկացնում, թե դոյություն ունեն մեր ուղղափառ հասարակության այդ զազրելի զավակները»:



Շղթախակապ կալանավորներ

Նկ. Շեվչենկոյի:

Շեվչենկոն հիվանդացավ: Պետերբուրգյան խոնավ բանաում նա վոսկրացավ եր ըստացել: Որսկ բերդում վատ սնունդի հետեվանքով առաջացավ լնդախտ: Փող չուներ: Ամեն ինչ ձեռից խլել էլին. մոտը յեղած դըրամը, թուղթը, մատիտները, բոլոր անհրաժեշտ իրերը: Դրսից նամակ չէր ստանում:

«Յեթե յես մի հրեչ լինեյի, մի արյունարբու, — գրել է Շեվչենկոն իր հուշատետրի մեջ, — ապա այդ դեպքում ել ավելի հարմար մահապատիժ չէր կարելի մտածել, քան յեթե ինձ վորպես զինվոր սրենբուրգյան առանձին կորպուս ուղարկելը: Ահա թե վորտեղ է իմ անասելի տանջանքների պատճառը: Այդ դեռ քիչ է, ինձ արգելված է նկարել: Խլել իմ խեղճ գոյության ամենամիլիրական մասը: Իր իսկ սատանայի նախագահությամբ գործող տրիբունայն անգամ չէր կարող այդպիսի անսիրտ, անմարդկային դատավճիռ հանել: Իսկ դատավճռի անողորմ կատարողները այն գլուխ բերին վրդովեցուցիչ ճշտակատարությամբ: Հեթանոս Ոգոստոսը Նազոնին աքսորելով վայրագ հեթերի յերկիրը, չարգելեց նրան գրել և նկարել: Իսկ քրիստոնյա Նիկոլայն ինձ արգելեց և՛ մեկը և՛ մյուսը: Յերկուսն էլ դահիճներ են...»

Յեվ ահա այս խորափոսում, մենակ, հարազատներից ու բարեկամներից կտրված, տանջված ու հիվանդ Շեվչենկոն մատիտի մի

վողորմելի կտոր ձեռին, ճարպամտի մնացորդի լույսով՝ կամ կիրակի որը սպանիչ տափաստանի մի վորևե տեղում հանճարեղ բանաստեղծություններ և գրում:

Շեվչենկոն կիրակի որերը գողի պես տափաստան եր դուրս գալիս բերդապատնէից— միայն թե վոչ վոք չնկատի:

Նա չեր պատրաստվում փախչելու— վոչ, ո՛ւր կարող եր փախչել...— խորհել, բանաստեղծություններ գրել, վերհիշումներով տարվել, յերգել իր սիրած, փայփայած յերգը:

Ո՛յ, յեյ, յեյ, աստղիկ դու իրիկվան:

Ի՞նչ անել, ինչպես դուրս պրծնել այս սոսկալի գերությունից:

Ո, հնար լիներ ջարդել կապանքներ
կամ թե՛ կրծելով կտրել շղթաներ.
Բայց չե՛, դարբիններն այնպես չեն կռել,
Այնպես չեն կռվել յերկաթը ամուր,
Վոր կարեմալիմ կրծելով կտրել...
Վա՛յ մեզ՝ վարբերիս և ստրուկներիս—
Ուրալից դերձ՝ մե՛ծ տափաստանում:

Այս հեռավոր յերկիրը քչված Շեվչենկոն, Ժանտահոտ գորանոցում, չնայած իր վիճակի անհուսալիությանը և անթափանց խավարին, անհողգողջ հավատում եր, վոր արդար ե իր ուղին, չարիքը հեղափոխականորեն զիմակադերծ անելու, հանուն ճշմարտության պայքարելու ուղին, հավատում եր, վոր ստրկու-

թյան մեջ տառապող ժողովուրդը կարթնանա, կապտամբի, կկոտրատի իրեն խոշտանգող շղթաները և բռնակալներին արյունով «խումարահան կլինի»:

Շեվչենկոյի ձերբակալությունից հետո նրա «հայրենակիցներից» շատերը, վորոնք առաջ սեր եյին բացատրում նրան, յերես դարձրին նրանից և ամեն կերպ ջանում եյին իրենց նվիրվածությունն ապացուցել ցարիզմին:

«Հենց այդ ժամանակ եր, վոր վոչնչացվեցին (Շեվչենկոյի) բազմաթիվ նամակները, մակագրված գրքեր, ձեռագրեր և թանկարժեք պատմական ու ազգագրական նյութեր, վոր այրվեց կամ թաղվեց հողի մեջ»,— գրել և Բելյոգերսկին իր հիշողությունների մեջ:

Ցարական ուղրիչնիկներն ու բյուրոկրատները ձեռք առան իրենցից կախված բոլոր միջոցները, վորպեսզի վոչնչացնեն պոետի գրած հեղափոխական սերմերը:

Գնեքալ Շնելը առաջարկել եր ժանդարմական սպաներին «արգելել և վաճառքից հանել Շեվչենկոյի ծաղրական և վերին աստիճանի հանդուգն յերկերը» և «ամենազոռյշ ու աննկատելի կերպով» հսկել, վոր այդ յերկերը չտարածվեն:

Սակայն, չնայած ամեն կարգի արգելքներին ու խտուրթյուններին, ցարական իշխանություններին չհաջողվեց ժողովրդական լայն

մասսաներից թագցնել մեծ պոետի յերկերը:

«Շեվչենկոյի յերկերը, — գրել է նշանավոր հեղափոխական Պետրաշևսկին, — բազմաթիվ որինականերով սպառվեցին այն յերկրամասում և պատճառ դարձան մտքերի սաստիկ հուզմունքի, վորի հետևանքով հիմա ել (այսինքն 1849 թվին) Մալրոսսիան գտնվում է հուզումնալից վիճակում»:


1848 թվին Շեվչենկոյին իր հետ վերցրեց լեյտենանտ Բուտակովի արշավախումբը «տափաստանում և Արալյան ծովի ափերին տեսարաններ հանելու համար»:

Յերկու տարի նա ապրեց արևախանձ, չուսումնասիրված տափաստանում և ծովափին:

«Ամառն անցնում էր ծովում, ձմեռը՝ տափաստանում, ձների մեջ կորած ջելումեյկայում, վոր քողտիկի պես մի բան է, ուր յես, խեղճ նկարիչս կիրգիզներին եյի նկարում», — գրել է Շեվչենկոն Վ. Ն. Ռեպիննային:

Սակայն այս վայրի տափաստաններում և կատողի Արալյան ծովի ալիքների վրա անհամեմատ ավելի լավ էր, քան թե Որսկ բերդում:

Շեվչենկոն նկարում էր ծովը, խուլ տափաստանները, կիրգիզներին, նրանց կիրիտկաները: Բազմաթիվ նկարներ, վորոնցից կազմվել էր մի մեծ ալբոմ, շատ լավ պատ-



Նկ. Շեվչենկոյի:

տափաստանի կողմից

կերում են այս անապատ վայրերի չոր ու ցամաք, խիստ տեսարանները:

Շնկերները նրան ուղարկեցին ջրաներկեր, լավ մատիտներ, թուղթ, մի քանի դիրք:

1848 թվի աշնանն արշավախմբի յերկևայմ նավը խարխախ գցեց Սիր-Դարխայի գետաբերանում: Արշավախմբի անդամները ձգմեռելու համար տեղավորվեցին Կոս-արալ կոչված ամբուլթյան մեջ:

Շեվչենկոն բանաստեղծություններ երգում: Իհարկե, նա վոչ մի թուլլալություն չեր ստացել — դա սոսկ հանդգնություն եր: Նա բանաստեղծություններ եր գրում և թագընում յերկարավիզ կոչիկների մեջ: Բուռակովը այդ նկատեց, սակայն այնպես ցույց տվեց, թե վոչինչ չգիտե:

Կոս-արալում Շեվչենկոն գրեց «Парус» պոեմը, վորի մեջ ցնցվող հեղափոխական թափով արտահայտել է իր ատելությունը դեպի ժողովրդների բռնակալները և անձնվեր անկեղծ սերը դեպի աշխատավորները:

Գե'թ քոցմեյին գլուխները
Այն ցարերի՝ դահիմների...

Կոս-արալ ամբուլթյունը թաղվել եր ձյունի տակ: Հատ ու կենտ տերևազուրկ ծառերը կոթորկի շնչից մինչև գետին եյին թեքվում:


Շեվչենկոն ծանր հիվանդ եր ընդախտով, բայց նա արի յեր, չեր վհատվում:

Կոս-արալում նա շատ ժողովրդական էր գերեւ, հոյակապ մի բալլադա՝ «Ван у той у Катерины», մի քանի պոեմ, լիրիքական բանաստեղծությունների մի ամբողջ ցիկլ: Այս գրական յերկերը հիմա հանդիսանում են ուկրաինական ժողովրդի մեծագույն հարստությունը, հիմա դրանք խանդավառությամբ կարդում են տասնյակ միլիոնավոր մարդիկ, այնինչ մուսյլ անցյալում դրանք ստեղծագործող հանձարը պետք է գրածը թաքցներ իր կոչիկների մեջ, ասես դա ինչ վոր նողկալի, վնասակար ու ամոթալի բան լիներ:

Արշավախմբի աշխատանքներն ավարտելուց հետո լեյտենանտ Բուռակովը և այլ յերկրամասի պետ գեներալ Ռբրուչովը լավ գնահատական տվին Շեվչենկոյի՝ կատարած գործի մասին և վճուեցին ամեն կերպ ձգտել մեղմացնելու նրա վիճակը:

Մի զեկուցագիր ուղարկվեց Պետերբուրգ: Սպասելով, թե իր բախտն ինչ յուժում կունենա, Շեվչենկոն ապրում եր Ռբենբուրգում (1850 թ.): Նա հույս ուներ, վոր իր վիճակի մեղմացման համար Ռբրուչովի և Բուդակովի արած միջնորդությունը բարեհաջող յեւք կունենա:

Նրա հոգու խորքում մի միտք եր մխրտում — չուտով ազատվելու հնարավորության



Շեվչենկոյի ընդանկարը (հիսունական թվ.)

մասին: Սակայն ամեն ինչ միանգամայն այլ
ընթացք ստացավ: Նիկոլայ ցարը զայրույթով
մերժեց այդ ինդրարկությունը և իր
վրդովմունքը հայտնեց Որբուչովին ու Բու-
տակովին:

Շեվչենկոն այդ ժամանակ ապրում էր
մասնավոր բնակարանում. նկարում էր, բա-
նաստեղծություններ գրում, վորոշ չափով ա-
զատ էր դառնում իրեն, քան Որսկում: Հենց այդ
չրջանում էր, վոր նա նկարում էր իր իսկ
գեներալ Որբուչովի պորտրեն:

Յեկ հանկարծ —խուզարկություն, ձեր-
բակալություն: Շեվչենկոյին նստեցնում են
«գլխավոր հաուպտվախտում» և շուտով
բանտ տեղափոխում:

Հետագայում պարզվեց, վոր վոմն Իսա-
յեվի մասնությամբ՝ այն մասին, վոր Շեվ-
չենկոն, չնայած արգելանքին, շարունակում է
բանաստեղծություններ գրել ու նկարել, —
Պետերբուրգում վճռում են Շեվչենկոյին ան-
դափոխել Կասպից ծովի ամառյի տախանա ա-
փը, Նովոպետրովսկոյի կոչված ամրությու-
նը, և նրան այնտեղ պահել ամենայն խստու-
թյամբ:

Որբուչովը, վոր զրանից քիչ ժամանակ
առաջ միջնորդել էր Շեվչենկոյի վիճակը մեղ-
մացնելու համար, անհապաղ հրաման արձա-
կեց, վոր նրան ձերբակալեն և կես տարուց
ավելի պրետին պահեց որենբուրգյան և Որսկի

բանտերում, ամենաղժնի պայմաններում, քրեական դրոշմված տաժանակիրներին հետ մի կազեմատում միասին:


1850 թվի հոկտեմբերին Շեվչենկոյին պահակների հսկողության տակ հասցրին Նովոպետրովսկայա ամրությունը:

Նորից զորանոց, նորից բիրտ ու անսիրտ ֆելդֆեբելներ: Նորից ապարդյուն բուժ քայլվածք և քայլելիս վտանների ծայրերը դուրս ցցելու պարտադրություն: Որ սրի հետևից— շատ սրեր շարունակ— Շեվչենկոն հիվանդ ու հոգնատանջ, պահակ և կանգնած հրաջանն ուսին: Նրա վրա գոռում—գոչում են, չնչին առիթներ փնտռում— պատիժներ տալու, ծաղրում, ծանակում են:

Մռայլ բնություն, մերկ տափաստան, միտրինակ ու գորշ ավազուտ, քարեր, սև կանաչավուն կասպից ծովը... այս եր մեծ պոետի նոր աքսորավայրի պեյզաժը:

«Ծնվել և մեծացել եմ ստրկության մեջ, և ինչպես յերևում է, կմեռնեմ իբրև զինվոր... Լավ է, վոր մի վորեև վախճան լիներ, ապա թե վոչ, իսկապես, հոգիս դուրս յեկավ»:

Անչափ ծանր էյին Նովոպետրովսկ ամրության մեջ անցկացրած յոթ տարիները: Անզաղար հսկում էյին, հետևում նրա ամեն մի քայլին, հաճախ՝ խուզարկում, արդելում էյին գրել ու նկարել: Սակայն Շեվչենկոն,



Կերպիչական յուրում

Նկ. Շեվչենկոյի

չնայած այդ դաժան պայմաններին, շատ և շատ եր աշխատում:

Ահա այդ ժամանակաշրջանում եր, վոր համայն Ռուսաստանի համար ուրախալի մի գեպը տեղի ունեցավ. մեռավ Նիկոլայ I-ը: Շեվչենկոյի հոգում վերստին ազատութեան հույսի նշույլ ծագեց: Նրա մտերիմները միջնորդութեամբ ելին հարուցում Պետերբուրգում: Շեվչենկոն սպասում եր:

Ամնիստիայի համար նշված քաղաքական արտոնահանների ցուցակը ներկայացվեց նոր ցարին—Ալեքսանդր II-ին: Յարը հիշեց «СОН» պոեմը, ուր բանաստեղծը յերգիծանքով նկարագրել եր Նիկոլայ I-ի արքունիքը և նրա կնոջը՝ Ալեքսանդրա Ֆեդորովնային, — հիշեց և փրփրեց... Նա իր ձեռքով ցուցակի մեջ ջնջեց Շեվչենկոյի անունը, ասելով. «Սրան յես չեմ կարող ներել—նա վերաժողել և իմ մորը»:

Յեվ նորից խորտակվեց հույսը: Շեվչենկոն ամնիստիա չցտացավ...

Յերկու տարի հետո միայն Շեվչենկոն կարողացավ դուրս գալ Նովոպետրովսկի ամբուստիանից:

1857 թվից Շեվչենկոն որպիսի եր պահում: Այդ գիրքն իր եպոսայի ուշադրամբ փաստաթուղթն և, անգնահատելի մի նյութ՝ մեծ պոետի հանձարեղ ու պարզասիրտ անձնավորութեանն ըմբռնելու համար: Շեվչենկոն



Շեվչենկո. Իճնանկար. 1848—1849 թ. թ.

կոն այդ թվից առաջ եւ որագիւր եր պահում,
սակայն հրամանատարութեան ճնշումները,
խուզարկութիւնները նրան հարկադրել էյին
վռնչացնել այդ հուշատետրերը:

«Անցյալի եւ այդ ժամանակվա ընթաց-
քում տեսածիս սոսկ հիշողութիւնը,— ասում
ե նա իր որագրի մեջ,— սարսուռ ե ազդում
ինձ, հասրա ի՞նչ կլիներ, յեթե յես դրի առ-
նեյի այն մռայլ դեկորացիան ե անսիրտ ու
անհոգի, բիրտ կեղծավորներին, վորոնց հետ
յես հարկադրված յեղա խաղալ այդ մռայլ,
միորինակ տասնամյա դրաման»:

յեղնելով, սակայն հայրենակիցներս մի տե-
սակ խուլ են պահում իրենց հիշողության մեջ
նման սրբացումները: Նրանք (իմ հայրենա-
կիցները) համարյա թե գլխի յեն ընկնում,
վոր յեթե ցարը բարձրանա այդպիսի մի լե-
ռան գագաթ, ապա, անշուշտ, վոչ առանց
նպատակի, այլ, պետք է հուսալ նրա համար,
վորպեսզի իր անկշտում աչքով մի հայացք
գցի շրջակայքին, նրա վրա (յեթե նա գորա-
ւյար է) միանգամից վորքան հավատարիմ
հպատակներ կարելի յե սպանել, իսկ յեթե
նա, աստված մի՛ արասցե, գյուղատնտես է,
ապա այդ առավել ևս վատ է, մանավանդ յեթե
շրջակայքը անբերրի յե, ապա նա բարձրա-
գույնս կհրամայի բերրիացնել այն, իսկ այդ
դեպքում ճորա գյուղացու քրտինքով ու ա-
րյունով կպարարտանան անպտուղ աղուտները:
Իմ հայրենակիցները, անշուշտ, առանց պատ-
ճառի չե, վոր չեն սրբացնում նման բնասահ-
մանավայրերն իրենց հիշողությամբ»:

Նիժնի-Նովգորոդում Շեվչենկոյին արգե-
լեցին շարունակել ճանապարհը: Պետերբուր-
գից հատուկ կարգադրություն եր յեկել:

«Թղթի մեջ ասված է, գրել է նա իր հու-
շատետրում, — վոր ինձ արգելված է մուտք
գործել զույգ մայրաքաղաքները և վոր յես
գտնվում եմ վոստրիկանության խիստ հսկողու-
թյան տակ: Ի՞նչ լավ ազատություն է, շրդ-
թայակապ շուն: Դա նշանակում է, չարժեք

չնորհակալություն հայտնել, ձե՛րդ մեծու-
թյուն...»

Սոսկ կխոսվ չափ եյին ներումն շնորհել:
Նա գրեց իր մտերիմներին, Պետերբուրգ:
Սրանք նորից սկսեցին միջնորդություններ
հարուցել...:

Պետական մարմինները պահանջում եյին,
վոր նա վերադառնա Որենբուրգ և այնտեղ ըս-
պասի, թե ուր կնշանակեն ապրելու: Նա ըս-
տիսլված յեղավ հայտարարել, թե հիվանդ է
և մնալ Նիժնի-Նովգորոդում ու ապրել վոս-
տրիկանական հսկողության տակ:

«Ե՛ս ել քո Մոսկվան: Ե՛ս ել քո Պետեր-
բուրգը: Յե՛վ թատրոնը, և՛ Ակադեմիան, և՛
Երմիտաժը, և մտերմական քաղցր գրկախառ-
նումները հայրենակիցներիս հետ, իմ բարե-
կամներ՝ Լազարևսկու և Գուբակ-Արտեմովսկու
հետ: Նզո՛վք ձեզ, կորպուսական և այլ հը-
րամանատարներ, իմ՝ անպատիժ տանջող-
ներ: Չաղբելի՛ յե: Անմարդկային: Նողկալի-
որեն զազրելի յե»:

Ժամանակը դանդաղ եր անցնում:

Շեվչենկոն նկարում եր Նիժնի-Նովգորո-
դում:

Այս քաղաքի բնակիչները լավ ընդունեցին
նրան: Շատ բանիմաց, լուսավոր մարդիկ նը-
րան իրենց տունն եյին հրավիրում, ամեն
կերպ ջանում եյին գուրգուրել, մխիթարել
նրան: Սակայն նա մխիթարություն չեր գըս-

նում իր համար: Նա հոգեպես դաժանորեն տանջվում եր: Գրեց իր մտերիմներին, խընդրեց այցելել իրեն: Արձագանքեց սոսկ Շչեպկինը: Յոթանասունամյա ծերունին արչափանոք հասավ Մոսկվայից և արտասուքն աչքերին գրկեց իր հավատարիմ բարեկամին:

«Ա՛յ քեզ առույգ ծերունի, — բացականչում է Շեվչենկոն իր նամակներից մեկում, — չորս հարյուր վերստ ճամբա կտրեց վաղուց չտեսած բարեկամին այցելելու համար: Բարեկամ ասածդ եսպե՛ս կլինի: Յեվ յես անսահման յերջանիկ եմ, վոր այսպիսի անկեղծ բարեկամ ունեմ»:

Շեվչենկոն գրեց իր նշանավոր հեղափոխական պոեմը՝ «Неофиты» և այն նվիրեց Շչեպկինին:

Շեվչենկոն Նիժնի-Նովգորոդում կարդում եր Պուշկինի, Սալտիկովի, Գերցենի յերկերը, պոեա գեկաբրիստների բանաստեղծությունները:

Գերցենի հրատարակած գրքույկի շապկի վրա տեսնելով մահապատժի յենթարկված գեկաբրիստների դիմանկարները, նա գրում է իր հուշատետրում.

«... Մեր առաջին նահատակ առաքյալների դիմանկարները տեսնելս այնպես ծանր, այնպես ախուր ինձ խոցեց, վոր յես մինչև հիմա յեղ հանգիստ չունեմ այդ մռայլ տպավորությունից: Վո՛րքան լավ կլիներ, յեթե

մի մեղալիոն պատրաստվեր ի հիշատակ այդ գազրելի դեպքի: Մեղալիոնի մի յերեսին — այդ քաջ նահատակների պորտրենները՝ մակագրությամբ. «Ազատության առաջին ոուս ավետարեքները»: Իսկ մյուս յերեսին՝ վատահամբավ Тормоз-ի (Նիկոլայ I-ի) պորտրեն, մակագրությամբ. «Վոչ առաջին ոուս թագալիր դահիճը»:

Շեվչենկոն նյութեր է հավաքում գեղարքրիստների վերաբերյալ և պատրաստվում է պոեմ գրել նրանց մասին: Նիժնիում գրած «Тордивный» անախարտ պոեմում նա խորին կարեկցությամբ լի մի քանի տող է նվիրում գեկաբրիստներին:

Այս պոեմում նա զայրույթով է դիմում ասածուն.

Իսկ դու՝ տեք ասված, ա՛չք ամենատես, Յերկնի բարձրից արդյոք նայեցի՞ր — Ինչպես շղթայված սուրբ ստրուկներին Հարյուր-հարյուրով բշեցին Սիբիր, Ի՛նչպես տանջեցին, Ի՛նչպես խաչեցին Յեղ ժանտ կախալան նրանց հանեցին: Չիմացա՞ր արդյոք: Ինչպես նայեցիք Բարձրից դու նրանց, վոր չկուրացար. Ա՛չք ամենատես, ով դու յերկնի ցար, Դու խոր չես տեսնում, տարված ես քնով Բո սապանակում: Իսկ մեք ցարերը... Գրո՛ղը տանի ցարերին գազիր, Թո՞ղ նրանք գուզվեն շղթա-կապանով,

Իսկ յես կթռչեմ, կհասնեմ Սիրիբ,
 Բայկալից դեմը աչք կածեմ լեռներ
 Ու մութ քարայրեր, հարեր անհատակ,
 Յեղ մեզ՝ մարտիկներ սուրբ ազատությա՛ն,
 Գերի ևս մութին և ստրկության՝
 Յես դուրս կրեքեմ պայծառ լույսի տակ—
 Ի ցույց ցարերի և ազատ մարդկանց՝
 Յերկար շարժերով և շղթա գարկած:

Հավանաբար պոեմի այս մասը պետք է լիներ վորպես մի նախերգանք-ներածական գեղարքրիստոների մասին մտահղացված պոեմի համար, վոր Շեվչենկոն պատրաստվում էր գրել:

Մի քանի ամիս հետո միայն Շեվչենկոն թույլտվություն ստացավ բնակություն հաստատելու Պետերբուրգում: Շեվչենկոն Պետերբուրգ էր գնում և իր հին բարեկամների հետ ունենալիք հանդիպումից անկեղծ ուրախություն էր սպասում... Կայարանում վոչ վոք չդիմավորեց նրան:

Կառք նստած նա մենակ գնաց իր հին բարեկամ Միխայիլ Լազարևսկու բնակարանը: Նրան ջերմությամբ ընդունեցին, ինչպես հարազատի: Սակայն աստիճանաբար նա ինչ-վոր փոփոխություն նկատեց իր մերձավոր բարեկամներից շատերի մեջ: Կուլիշը, Կոստոմարովը, Բելոզերսկին և ուրիշ շատերը, վորոնց հետ Շեվչենկոն յերբեմն յերազում էր



Ն. Գ. Չերեցեվսկի

գյուղացիները ազատագրութեան մասին, հայ-
րենիքի ազատութեան մասին, հիմա դժկա-
մութեամբ եյին խոսում անցյալի մասին: Նը-
րանք կարծես թէ ամաչում եյին այդ անցյա-
լից, այն համարում վորպէս մոլորանք ջահել
աարիները:

Շեվչենկոն զարմացաւ:

«Արդ յոք ո՞վ է փոխվել, — հարցնում եր նա
ինքն իրեն, — նրա՞նք, թէ յես»:

Մի անգամ, յերեկոյան, Կոստոմարովի
մոտ հյուր յեղած միջոցին, Շեվչենկոն ծանոթ-
ացաւ ուս մեծ հեղափոխական-դեմոկրատ
Ն. Գ. Չերնիշևսկու հետ:

Ապա նա ծանոթացաւ մի այլ նշանավոր
ուս մարդու, Ն. Ա. Դորբոլյուբովի հետ, վոր
ուս հեղափոխական դեմոկրատիայի ամենա-
առաջավոր դեմքերից մեկն եր:

Չերնիշևսկին ու Դորբոլյուբովը ջերմորեն
վողջունեցին Շեվչենկոյին՝ վորպէս ժողովրդ-
դական հեղափոխական պոետի:

«... Հիմա Շեվչենկոյի պէս պոետ ունե-
նալով, — գրել է Չերնիշևսկին, — մալորո-
սական գրականութեանը... կարիք չունի վոչ
վոքի բարյացակամութեանը»:

Այս բառերով ուս գրողը կամեցել է
ընդգծել Շեվչենկոյի կատարած խոշոր գերը
ուկրաինական գրականութեան ստեղծելու
գործում:

«Նա միանգամայն ժողովրդական պոետ

ե, — գրել է Գորբուլյուբովը Շեվչենկոյի մասին: Մինչև իսկ Կոլցովը չի կարող համեմատվել նրա հետ, վորովհետև նա իր մտքերի կերտվածքով և մինչև իսկ իր ձգտումներով յերբեմն անջատվում է ժողովրդից: Ընդհակառակը, Շեվչենկոն իր խոհերի և համակրությունների ամբողջ հանրագումարով գրանդվում է կատարյալ համապատասխանության մեջ՝ ժողովրդական կյանքի իմաստավորության և իրավահարգի հետ: Նա դուրս է յեկել ժողովրդի ծոցից, ապրել է ժողովրդի հետ և վոչ միայն մտքով, այլև իր կյանքի հանգամանքներով ամուր ու անքակտելի կապված է յեղել նրա հետ»:

Գերցենը, վոր խորապես հարգում էր Շեվչենկոյին, իր գրույցներից մեկում հետեվյալն է ասել նրա մասին.

«Նա մեծ է նրանով, վոր կատարելապես ժողովրդական գրող է, ինչպես մեր Կոլցովը՝ բայց նա անհամեմատ ավելի մեծ նշանակութուն ունի, քան Կոլցովը, վորովհետև միաժամանակ և՛ քաղաքական գործիչ է, և՛ ազատության մարտիկ է հանդիսացել»:

Ահա ինչու նա միանգամից ընդհանուր լեզու գտավ Չերնիշևսկու և Գորբուլյուբովի հետ, ահա ինչու նա ամուր կերպով մտերմացավ նրանց հետ:

Նա շատ լավ էր հասկանում, վոր ճորտատիրական կարգերը վոչնչացնել կարելի յե

ճնշված մասսաների ապստամբության ճանապարհով միայն:

Չերնիշևսկին ասում էր, վոր պետք է Ռուսաստանին կոչ անել կացինները վերցնելու, այսինքն՝ ապստամբության:

Շեվչենկոն Չերնիշևսկու հետ էր:

Նա կոչ էր անում կալվածատիրական վոհմակի կողմից ստրկացված գյուղացիներին՝ դեն ձգել աստծու վրա դրած բոլոր հույսերը, չհավատալ ցարերի և տերերի վողորմածությանը, անողորմաբար գործել հրով և սրով, լավ սրած ցաքարով և կոթառներով:

Յեվ լիովին հասկանալի յե, վոր Շեվչենկոյի նախկին բարեկամներից շատերը, այդ բոլոր ուկրաինական լիբերալ-նացիոնալիստները՝ Կոստոմարովը, Կուլիշը և մյուսները, — վախեցան մեծ պոետի հեղափոխական պաթոսից, նրա գայրույթից, դեպի գոյություն ունեցող իրավահարգը տածած ատելությունից:

Չե՞ վոր դեռևս այն ժամանակ, յերբ Շեվչենկոն Կոստոմարովի հետ միասին գործում էր Կիրիլ-Մեֆոդյան յեղբայրության մեջ, լուրջ տարածայնություններ կային նրանց միջև: «Շեվչենկոն նրա [այսինքն — յեղբայրության] գաղափարներին վերաբերվեց մեծ տաքարյունությամբ և ծայրահեղ անհանդուրժողականությամբ, վոր առիթ տվեց բաղմաթիվ վեճերի՝ իմ և Շեվչենկոյի միջև», հիշում էր Կոստոմարովը:

Նրանք չէին կարող գնալ միևնույն ճամբով: Շեվչենկոն, ինչպես վերևում ե նշված, մասնակցում էր «յեղբայրության» մեջ, բարեկամություն էր անում ուկրաինական սոցիալականներին հետ սոսկ այն պատճառով, Վոր այն ժամանակ, քառասնական թվականներին, այդ բոլոր մարդիկ այս կամ այն յեղանակով կապված էին ճնշված գյուղացիությանը պաշտպանելու հետ: Իսկ յերբ Շեվչենկոն հասկացավ, Վոր վոչ քի ինքը, այլ նրանք են փոխվել, այն ժամանակ նա հասկացավ, Վոր նրանք բուրժուական լիբերալներ են, Վորոնք շատ գեղեցիկ կերպով համատեղում են իրենց լիբերալ դադափարները և ճառերը ուսանական ցարին նվիրված լինելու հետ, նրա համար այլևս պարզ էր, Վոր իրենք միևնույն ճամբով գնացող ուղևորներ չեն:

Շեվչենկոն, իհարկե, չգիտեր, Վոր կոստամարովը դեռևս հարցաքննության ժամանակ ոխրանկայում խոսել էր իր բանաստեղծությունների մասին. «Այդ յերկասիրությունները յես պահում եյի սոսկ ընթերցման համար, սակայն համակարծիք լինել այդ գազրելի մտքերին, ինչպես շարադրված են— յես չեյի կարող»:

Շեվչենկոն հավատում էր և հույս ուներ, Վոր իր յերիտասարդության մտերիմ բարեկամներն ինչպես և ինքը, կհասկանան, թե Վո՛րտեղ ե ճշմարտությունը, ո՛ւր ե այն ճա-

նապարհը, Վորով պետք ե ընթանալ, Վորպես— Վի վերջ տրվի ժողովրդի Վոչ մարդկային ճնշված վիճակին և խայտառակ ստրուկությանը, ուստի և վերջնականապես կապերը չեթողում նրանց հետ:

Պետերբուրգ վերադառնալու առաջին իսկ օրերից նա շատ էր աշխատում Ակադեմիայում: Նա ձգտում էր լրացնել կորցրած ժամանակը:

Շեվչենկոյի այս ժամանակաշրջանի նրկարչական աշխատանքները խիստ տարբերվում են վաղ շրջանի նրա գործերից: Այստեղ նրա յերբեմնի ուսմանախօմի նշույն ել չկա: Նա նկարում ե իր մայրենի յերկրի կենցաղը, բազմաթիվ նկարահուշեր ե անում գորանուցային դոժան կյանքի մասին: Դա իսկական սեալիդ ե:

1859 թվի գարնանը նա ուղևորվեց դեպի Կիրիլովկա:

Նա Ուկրաինա մեկնեց Վորպես մեծ պոետ: Սակայն ցարական ոխրանկան նրա հետեից հրամանադիր ուղարկեց. «Ստալով հրկողություն ունենալ պաշտոնաթող զինվոր Տարաս Շեվչենկոյի նկատմամբ»: Ռուսական չինովնիկների համար նա սոսկ մի պաշտոնաթող զինվոր էր—վոչ ավելին:

Նա քիչ ժամանակ ապրեց իր քույրերի ու յեղբայրների մոտ: Նրանք դեռևս ճորտեր եին: Շեվչենկոն նրանց մոտից մեկնեց կրկնա-

սլատիկ ատելու թյամբ դեպի ժողովուրդը
կեղեքողները:

Նա այցելեց վոչ միայն Կիրիլովկան, —
յեղավ Չերկասսիում, Կիևում, ուրիշ շատ
վայրերում: Միխայլովա Գորա կոչված ավա-
նում նրան ձերբակալեցին աստված-հայհո-
յության և դեպի տեղական իշխանությունը
ցույց տված անհարգալից վերաբերմունքի
համար: Կիևի նահանգապետը նրան առաջար-
կեց շուտափույթ վերադառնալ Պետերբուրգ:
Ուկրաինայում նրանից վախենում էին: Նախ-
կին ատելությունը դեպի կալվածատերերը,
սերտերները և ցարը նրա մեջ բորբոքվում
էր ավելի ու ավելի ուժեղ թափով:

Նա վերադարձավ Պետերբուրգ: Առաջվա-
նից ավելի թունդ վեճեր սկսվեցին նրա բարե-
կամների հետ: Նրանք Շեվչենկոյին նախա-
տում էին կտրուկության, անզուլության
հաճար: Նրանք փորձում են Շեվչենկոյին խա-
ղաղացնել իրենց լիբերալ դատարկությամբ: Շեվ-
չենկոն անձնատուր չի լինում: Նա պնդում է
վոր պոեզիան պետք է լինի անզանգի կոչնակ:

Նա գրում է.

Յարերին-արյունարբու պանդուկապաններին

Ամուր շղթաներ գարկեցեք,

հոր գերեզմանոցում փակեցեք:

«յս խոսքերը հեղափոխության մարտակոչ են
հանդիսանում:

Նա գրում է.

...Մենք լավ կանենք, յեղբայրներ՛ր,
Աբխազական ծիրանուց կտրենք փաթթաններ,
Բուրվառի միջից ծխախոտ ծխենք,
Ոջախում վառենք սրբապատկերներ,
Իսկ ցող-ավելով, յեղբայրներ՛ր, ավենք—
Ապագա խրքի հատակը մաքրենք:

Նա մի բանաստեղծություն է գրում թա-
գուհի Ալեքսանդրա Ֆեոդորովնայի—ինչպես
հեղափոխականներն էին անվանում նրան—
«չըջազդեստ հագած դահճի»—մահվան առ-
թիվ.

...Բեզ, ո՛վ քած շնամեր,

Յեվ մենք ինքներս և բռոները մեր

Ու արար-աշխարհ պիտի անիծեն:

Ձե՛ն ել անիծի, այլ սուկ կքէնեն

Այն ճարպակալած շան-լակոտներին,

Վոր դու ցնկնել ես: Տանջանք, ո՛ տանջանք,

Վո՛հ իմ վիշտ, քախիծ և իմ տառապանք,

Վերջ պիտ ունենա՞ք: Թե՞ իր շներով—

Թե հլու-ստրուկ միևիստրներով

Յարը հալածի, հագի՞ս պիտ հանի:

Չի՛ կարողանա: Բնա՛վ փորձուեք չի,

Յերբ ցարին տանեն... Կառափնարանի

Կոնդի յերեսին մարմինը հանգչի...

Ինչի՛ մասին ել վոր նա գրելու լիներ,
տ՛ւմ ել վոր նա գրմելու լիներ, — միշտ հար-
ձակվում եր ինքնակալության, թազապսակ
դահիճները և նրանց անարդ վոճմակի վրա:

Ո՛ր խեղճ մարդիկ դուք կուրացած,
Ձեզ ի՞նչ պետք են նիվադ-ցարեր—
Արյունարբու շնապաններ.
Խում շնե՞ր չեք շղթա գարկած:
Կգա՞ր արդյոք դատ-դատարան
Յերկրիս բոլոր շուն-ցարերին,
Շուն ցարերի լակոտներին
Արդար պատիժ՝ հախ-դատատան:

Նա անհաշտ թշնամի յեր ցարական իրա-
վակարգին, ճորտատիրությանը, կարվածա-
տերերին, այդ բոլոր «արյունարբու պանդո-
կապաններին»: Նա հասկանում եր, վոր դորժ
է պետք և վոչ թե բառեր: Նա գրել է.

...Չսպասե՛ս բարիք,

Յերբե՛ք չսպասես դու ազատության—
Այն խոշտանգել է նիկոլայ-չարիք.
Իր վոտով չի գա որը խնդուքյան:
Սուրբ ազատության գարթոնքի համար

Կռի՛ր ու կոփի՛ր կացնի կոթառներ,
Պետք է սուր սրի աշխարհը—արար
Իր լայնաբերան մեծ-մեծ տապարներ.
Այն ժամ շուտ կգա որն ազատության:

Նա կաթողին սիրում եր իր հայրենիքը,
օսկայն նրա համար ուս ճորտ-գյուղացիները
և ուս աշխատավորները նույնպես մոտ էյին
ու սիրելի, ինչպես և իր հայրենակիցները:
Նա ջերմորեն կարեկցում եր բոլոր ճնշված
ժողովուրդներին և ատելով ատում եր բոլոր
ազգությունների կեղեքիչներին: Այս եր ահա
պատճառը, վոր նա մեծարում եր Գերցենին,
Չերնիշևսկուն, Դորբոլյուբովին և ժողովրդ-
դական այլ պաշտպանների, այս պատճառով
եր, վոր նա այնպիսի ակնածանքով եր խոսում
ու գրում դեկաբրիստների և հազարավոր
ոուս հեղափոխականների մասին, վորոնք հե-
ծում էյին բանտերում և տաժանակրության
մեջ:

Ուկրաինա մեկնելուց հետո Շեվչենկոն ել
ավելի հաստատուն մոտեցավ հեղափոխական
դեմոկրատիայի առաջավոր մարդկանց հետ—
«Современник»-ի խմբակի, Չերնիշևսկու, Դոր-
բոլյուբովի, պոետ Կուրոչկինի և ուրիշ-
ների հետ, վորոնց հայացքները միանգամայն
տարամերթ էյին Կոստոմարովի*), Կուլիչի և

*) Ն. Կոստոմարով (1817-1885)—հայտնի ուկրաի-
նական պատմաբան, Կիրիլ-Մեֆոդյան յեղբայ-

ուկրաինասեր այլ լիբերալների հայացքների հետ:

Այս մերձեցումը նրան ամբողջապես հեղափոխական դիրքերի վրա, դասեց հեղափոխական դեմոկրատիայի մեծ մարզկանց շարքը:

Շեվչենկոյի և նրա նախկին բարեկամների միջև, — վորոնք լիբերալ ու շովինիստ եյին դարձել և արդեն պատրաստել եյին իրենց լիակատար անցումը դեպի սեակցիայի բանակը, — անդունդ առաջացավ: Ուստի և հասկանալի չէ, վոր շատ տարիների ընթացքում բարեկամութեան կապերով միմյանց հետ կապված մարդիկ պետք ե խզեցին:

Մասը խանդարեց այդ խզումը լիակատար անելու:

1860 թվի վերջին Շեվչենկոն ծանր հի-

րության անդամ: Շեվչենկոն նրան իր մոտ բարեկամներ համարում, մինչդեռ Կոստամարովը յերբեք համախոհ չէր Շեվչենկոյի հեղափոխական համոզմունքներին: Կը չափափոր լիբերալ եր և ձերբակալութունից հետո սաստիկ աջացավ: Հարցաքննութեան ժամանակ նա հրաժարվեց Շեվչենկոյից և հայտնեց, վոր յերբեք չի բաժանել նրա մտքերը: Շեվչենկոն անտեղյակ եր նրա այդ ցուցմունքներին, յերբ նրան եր նվիրում իր սրտարուղիս տողերը, նստած դադանի վոստիկանութեան՝ այսպես կոչված Յերրորդ բաժանմունքի բանտում: Ծ. Թ.

վանդացավ: 1861 թվի փետրվարի 26-ին նա մեռավ:

Մեծ պոեա-հեղափոխական Նեկրասովը ներաթափանց տողերում վողբաց իր յեղբայրակցի մահը:

Մի՛ տարվեք խորին հուսալուքյամբ*)

Դա համարյա բե ցանկալի դեպք եր.

Վաղուց ասածու վոզարումուքյաք

Այսպես մեռնում եմ ուսու հայտնի դեմքեր:

Ձանիլ որերին՝ ցավ ու տառապանք,

Համարձակ մտեր ու խելառ պայքար—

Հույս-հրապուրանք, ցնրք ու տեհչանք,

Ապա ախորի տարիներ յերկար...

*) Հիսունական թվականների վերջին, յերբ Շեվչենկոն վերադարձավ արտարավայրից, Նեկրասովը ին «Современник»-ում սիրով զետեղում եր նրա բանաստեղծութունների ոտներեն թարգմանութունները:

1867 թվին Պետերբուրգի շրջանային դատարանում քննվում եր յերկու հրատարակիչների դատավեճը՝ առաջացած Շեվչենկոյի «Кобзарь» գրքի հրատարակութեան շուրջը, — Նեկրասովը հանդես ե դալիս վորպես եքսպերտ և մեծադույն համակրանքով խոսում «Кобзарь»-ի հեղինակի մասին:

Այս բանաստեղծութունը Նեկրասովի կենդանութեան որով լույս չի տեսել: Առաջին անգամ այն տպվել ե «Зоря» ժուռնալում, № 6, 1886 թ. (Լվով), «На смерть Шевченко» խորագրով:

Թարգմ.

Կա լի նաշակեց ամեն դառնութիւն—
 Հարցմունք— քննութիւն, բանտ Պետերբուրգի
 Յեղ ժանդարմների սիրալիրութիւն.
 շաշակեց նաև չոր Ռբենբուրգի
 Բերդը կալանքի, արձակ տափաստան,
 Ամեն գոհիկից խոցված—խոշոտանգված,
 Անհայտութիւն մեջ, կարիքից նեղված,
 վարպես մի զինվոր ապրեց իր նման
 Զինվորների հետ՝ ին՝դն, վոդորմելի՛:
 Անշուշտ և մեռնել հեշտ եր կարելի
 Հարվածների տակ գանակածութիւն.
 Գո՛ւցե ապրում եր հույսով նա մահվան:
 Սակայն չկամեց կարնել տանջանք—
 Նախատեսութիւնք ոռւս մարդկանց արի
 վերջացավ նրա ցավ—տառապանքը,
 Տոկաց ախարի մի տասնյակ տարի:
 Ժպտաց ամեն ինչ՝ սիրելի սրտին՝
 վոր նա չեր տեսել իր վաղ հասակին.
 Սակայն այդ պահին աստված նախանձեց—
 կյանքը կտրվեց...

Շեկչենկոյին թաղեցին Պետերբուրգում:
 Սակայն շուտով նրա աճյունը տեղափոխվեց
 Դնեպրի ափը, Կանեվ քաղաքի մոտ, վորով—
 հետև իր «Завещание» մեջ նա՝ իր մահից
 տարիներ առաջ՝ գրել էր.



Տ. Դ. Շեկչենկո. ինքնանկար. 1860 թ.

Յերբ մեռնեմ՝ ինձ թաղեմ
Իմ անուշ յերկրում...
Շիրիմս փորեցեմ
Լայն դաշտի միջում,
Վար պառկած կուրգամին—
Դ՛նեպրի՝ ծեր հգոր՝
Լսեմ մոլեգին
Աղմուկն ամեն որ...

Ժողովուրդը հոժ բազմությամբ այցի եր
գնում իր պոետի գերեզմանին: Ցարական իշ-
խանություններն անհանդստանում եյին՝ չլի-
նի՛ թե հուզմունքներ լինեն:

Շեվչենկոյի գերեզմանի մոտ հաճախ
ժանդարմներ եյին հայտնվում: Պոետի թա-
ղումից յերկու ամիս հետո կանսվի ազնվա-
կանները հետեյալ գանդատը գրեցին Կիևի
գեներալ նահանգապետին.

«Գերեզմանի մոտ, ուր հանդչում է Շեվ-
չենկոն, վորին հասարակ ժողովուրդը սկսել
է մարգարե համարել, իսկ նրա ամեն մի
խոսքը՝ պատգամ, շատ մարդիկ են հավաք-
վում և լուր է տարածվում գյուղացիների
հույսերի մասին—ձրիաբար զավթել կալվածա-
տիրական հողերը, ինչպես և գերեզմանում՝
Շեվչենկոյի աճյունի վրա՝ թաղված սրբա-
դան դանակների մասին և վոր մօտ է ժամը,
յերբ առաջվա պես պիտի մորթոտեն ժողո-
վըրդի իրավունքները թագցնող պաներին,
չինովնիկներին և հոգևորականությանը»:

Կալվաճատերերը և ազնվականները պահանջում էին Շեվչենկոյի աճյունը տեղափոխել վորեե խուլ վայր, ուր «անհնար լինեյին հավաքույթներն ու դեմոնստրացիաները»:

1914 թվին մտադրութուն կար նշել Շեվչենկոյի ծննդյան հարյուրամյակը: Յարական իշխանութուններն արգելեցին մեծարանք կազմակերպել պոետի հիշատակին:

«Շեվչենկոյին մեծարանք արգելելը, — դրել է Վ. Ի. Լենինը «Աղբային քաղաքականութան հարցի վերաբերյալ» հոդվածում, դա այնպիսի մի հրաշալի, հոյակապ, բացառիկ բարեբախտ ու հաջող միջոց էր՝ կառավարութան դեմ մղվող ազիտացիայի տեսակետից, վոր դրանից լավ ազիտացիա անհնար է պատկերացնել: Յես կարծում եմ, վոր մեր բոլոր լավագույն սոցիալ-դեմոկրատական ազիտատորները չեյին կարողանա այդպիսի կարճ ժամանակամիջոցում ընդդեմ կառավարութան հասնել այդպիսի գլխապտույտ հաջողութունների, վոր ունեցավ այդ արգելքը հակահառավարականի մտքով: Այդ միջոցառումից հետո միլիոնավոր և միլիոնավոր «որբիփատեղներ» սկսեցին գիտակից քաղաքացիներ դառնալ և համոզվել, վոր ճիշտ է այն ասույթը, թե Ռուսաստանը «ժողովուրդների բանտ է»: (Լենին, Յերկեր, հ. XVII, էջ 324—3—5):

Շեվչենկոյի ստեղծագործութունը հեղափոխական մեծ նշանակութուն է ունեցել:

Սակայն պահաս մեծ չե նաև նրա գրական նշանակութունը:

Մինչ Շեվչենկոն ուկրաինական գրականութունն իր իդեալները սոսկ հին անցյալից էր վերցնում: Շեվչենկոն առաջ մղեց միանգամայն պարզ և վորոշ սոցիալ-քաղաքական խնդիրներն իր հայրենիքի և ուկրաինական գրականութան առաջ: Այդ գրականութունը նա դուրս բերեց ռեալիզմի ուղին:

Շեվչենկոն խոշորագույն դեր է կատարել ուկրաինական գրական լեզվի զարգացման գործում: Իր ամբողջ ստեղծագործությամբ, վորի աղբյուրը յեղել է ժողովրդական պոեզիան և ժողովրդական կենդանի խոսքը, նա չույց տվեց ուկրաինական ժողովրդի լեզվի մեծ ուժը, թարմութունը, անմիջականութունն ու հմայիչ, զորեղ գեղեցիկութունը:

Հիրավի, նա մեծ մարդ էր և մեծ պոետ: Իզուր չե, վոր նրա յերկերը միլիոնավոր մարդկանց են դատտիարակել:

Ուկրաինական աղբյուրականները, ժողովրդի թշնամիները փորձում էյին կեղծել Շեվչենկոյի դասակարգային եյութունը: Նրանք ձգտում էյին իրենց թշնամական նպատակների համար ոգտագործել Շեվչենկոյի յերկերը: Սակայն դա նրանց չհաջողվեց, նրանց ստոր մտահոգումներն ու արարքները մերկացված են և այժմ նրանք վոչ վոքի խաբել չեն կարող:

Շեվչենկոն յեղել է ճնշված, հարստա-
հարված գյուղացիութեան և գյուղացիական
հեղափոխութեան յերգիչն ու տրիբունը—
այդպիսին ել նա մնում է մեզ՝ մեծ Սորհըր-
դային Միութեան քաղաքացիներին համար:
Մարդկութեան պատմութեան մեջ առաջին ան-
գամ իրականացված է ժողովուրդների բարե-
կամութիւնը, վորի մասին յերազում եր մեծ
պոետը: Մեր յերկրում սոցիալիզմ է կառուց-
ված: «Ժողովուրդների բանտ» կոչված յերկիրը
զարծել է աշխարհիս ամենագորեղ և ծաղկած
պետութիւնը: Հսկայական մի փարոսի պես
այն բարձրանում է աշխարհիս վրա, ամբողջ
աշխատավոր մարդկութեանը ցույց տալով
յերջանիկ կյանքի ուղին: Վո՛րքան կուրախա-
նար Շեվչենկոն, յեթե տեսնել կարողանար իր
նվիրական Ուկրաինան հիմա:

Գատ. խմբագիր՝ Հ. Պարսեյան
Լեզվական խմբագիր՝ Հ. Հարությունյան
Տէխ. խմբագիր՝ Ա. Գասպարյան
Մրբագրիչներ՝ Ա. Արգաճեան, Բ. Դուխայան
Կոնտրոլ սրբագրիչ՝ Յե.Տ.-Միմասյան

Կլավիտի լիզոր՝ Բ-1093. Հրատ. 5022.
Պատվեր 790. Տիրո՛ւ 3000.

ՀՀ Ազգային գրադարան



NL0329299

15714

10
1